

**THE BOOK WAS  
DRENCHED**

190579










أزجال فكرى  
مجموعة أزجال أدبية فكاهية  
بقلم  
محمد عبد الله ادنى فكرى



الطبعة الأولى

ابريل سنة ١٩٣٥



تطلب من المؤلف

بشارع الليثى رقم ٣٥ بالعطارين باسكندريه

ومن باعة الصحف

ومن مكتبة الشمري بشارع الشمري رقم ٧ و ٩ باسكندريه

---

مطبعة القطر المصري بالاسكندرية





حضرة صاحب السمو الملكي امير الصعيد



الأهداء

لحضرة صاحب السمو الملكي

الأمير فاروق

---

يا ولي العهد اهدى لك ديواني

بس ده تحفه ماهش قد المقام

والزجل من طلعتك رح يحيي تاني

بالقبول اسمح سموك والسلام

المؤلف

محمد عبد الحادي قريش





المؤلف





## مقدمة

### بقلم الاستاذ ابى بشينه أمير الزجالين

لم اكتب فى حياتى للقراء شيئا عن الزجالون ولم اكتب مقدمة لديوان  
ازجال قبل هذه المقدمة فمقدمة ( ديوان فكرى ) أول مقدمة كتبها  
وأنا قرير العين مرتاح الضمير

عندما تألفت (رأبطة الزجالين) التف حولها فريق كبير من الزجالين  
ومحبى فن الزجل ، وتباروا فى هذا الميدان ؛ فتكشفت هذه الحركة عن  
نوايح ؛ كما تكشفت عن ادعاء . وفى مقدمة هؤلاء النوايح الزجال المبدع  
الريق الاديب محمد عبد الهادي فكرى صاحب هذا الديوان .

رأيت فى ازجاله من التفنن والابتداع والابتكار ما قر به الى قلبي  
وحبب الى نظمه ، فتفكيره واسع ؛ وأوزانه سليمة ودياجته قوية ، والفاظه  
رقيقة على السمع كأنها اللحن البديع .

وأنا لا أحب أن استبد برأى فيه . وسأشرك معى القراء فى الحكم  
على ازجاله باقتطاف بعض ثمارها الجنية . ليتذوقوا حلاونها ويتمتعوا  
بأطايب هذه الباكورة الطيبة

يقول فكرى فى وصف سيدة خليعة

حاجه تفلق . شىء يحنن . يا حفيظ  
والقميص حماله باينه . شىء يغيط  
صدر باين . زهر باين فى الطريق  
لحم عارى . بس مين يقدر يطيق

أرايت كيف استطاع الرجال ان يعبر عن ظهور ثديي السيده بكلمات  
صغيرة بعيدة عن الفحش والاسفاف فيقول ( والقميص حمالة بانيه )  
ثم استمع الى هذه القطعة الممتعة وقل لي . هل قال أحد في الصداقة  
كلاما خيرا من هذا

ياقلب مالك ليه بتنوح      ما قلت لك خفف نوحك  
خليت قوادى عليل مجروح      كترت جروحي وجروحك  
ياقلبي سيك م الاخوان

صاجبت ناس عددك يانجوم      ورجعت م الصبحه الالى  
م الغدر قطعتك ياهدوم      مهما يكون تمنك غالى  
الصدق أصبح شيء عدمان

وانظر الى هذا التهمك البديع على الاسماء التى تطلق على غير مسمياتها  
حيث يقول

وفيه جدع يباع كوكاين      ووصفه مش محتاج تعريف  
ف السجن له برش وبطاطين      ومنين دا يبقى اسمه ( شريف )

ومن ابداع ما وصف به سكران قوله

ويزفوك أولاد الحاره      وانت جنابك تبقى عريس  
سكران طينه سكران طينه      وانت بتحضن الفوانيس

وتأمل نصائحه الدالة على سعة اطلاعه وطول اختباره فى قوله

ان أردت انك تعيش فى الدنيا خالى      م اللى يحسد واللى يتكلم فى حقك  
كون بعيد دايما وخليك زى خالى      واكتم الاسرار يا ابني وسد بقلك

واستمع الى هذه السخرية البليغة بالدنيا قال

الآخرة ح تيجى بكرة \* نموت  
اضرب لى الدنيا بالشـلـوت

ثم انظر تدرجه الى وصف حمامات البحر فى قوله الممتع  
البحر تلاقى فيه جمالات  
مليان رجاله على ستات  
والموجه تـلـم ف المجموع  
تجـرى المسروعه والمسـرـوع

هذه بعض بدائع فكرى افندى ، وسترون فى هذه المجموعة النادرة  
أبداع مما سمعتم وأشهى ؛ فمن أراد المزيد من هذه الطيات فعليه أن  
يقرأ ديوانه كله ، ففى كل صفحة منه تحفة : وفى كل سطر حكمة  
وهذا بعض ما رأيته فى ازجاله . أما ما رأيته فى أخلاقه ففوق  
مقدرة هذا القلم العاجز ان يصفه . ففكرى مثل أعلى للشباب . ذكى  
مستقيم بعيد عن الدنيا . طاهر القلب . عف اللسان تم عن ذلك كله  
ازجاله الرقيقة

بارك الله فيه . وأكثر من امثاله بين الزجالين ليرتفع شأنهم وينبه  
ذكرهم . ولتستمتع بأمثال هذه الازجال الباهرة من ولادت قرائتهم .

ابوبقيـنه

محمد عبد المنعم

## محمـد

### بقلم الاستاذ الفاضل صاحب التوقيع

يعتبر الشعر من قديم الازمان مقياسا لحضارة الامم وعظمتها وتقدمها  
الفكري ولذلك نرى الامم تتباري في اظهار منتجات قرائح ابائها .  
وتسجيل اشعار شعرائها الا فذاذ لتكون حكما صادقا يبين مقدار ما  
وصلت اليه من المستوي الفكري والادبي

فها هي ذى اشعار ( هوميروس ) لا يزال يترنم بها الابداء مع مرور  
فروق كثيرة على وفاة واضعها . وها هي ذى اشعار العرب لا تزال تدرس  
ولقد كان للازجال والمواليا أيام الاندلسيين شأو بعيد ولا تزال آثارهم  
تهذي ابناء هذا الجيل . وتعتبر نموذجا ينسجون على منواله الى أن  
جاءت فترة خمد فيها فن الزجل . وقل قائلوه ثم رجع فعاد الى عظمته  
بظهور زجالى مصر المشهورين أمثال المرحوم امام العبد والمرحوم خليل  
نظير وغيرهم ثم خمد بعدهم واصبحنا لا نسمع عن الفن شيئا فترة عظيمة  
من الزمن واليوم عاد فن الزجل من جديد فى ثوبا عصريا جميلا أحسن  
مما كان عليه من قبل وذلك بمجهود زجالى هذا العصر المشهورين أمثال  
الاستاذ محمد عبد الهادى فكرى الذى اعتبره — كما يعتبره كثيرون —  
من مجددى هذا العصر ومن بزوا اقرانهم فيه وضربوا بسهم وافرقى فن  
الزجل السهل الممتنع . ولقد قرأت له كثيرا فى مناسبات كثيرة فكانت  
تقع فى نفسى احسن موقع يستدل منه على ثللكه ناصية هذا الفن الجميل

هذه الازجال السلسة التى تعبر عن شعور رقيق والتى تصف لك مايريده المؤلف وصفا دقيقا يجعلك تشعر بما يشعر به هو . والتى تعطيك فكرة صحيحة عن الموضوع . لى أزجال جذيرة بالالتفات اليها . وكفى ثمين يجب على كل أديب ان يقتنيه

وانى لتمجبنى روح المؤلف . تلك الروح العصرية التى تتمشى مع روح هذا العصر . والتى تعبر تعبيرا صادقا عما نشعر به نحن فى حياتنا وقد ضرب المؤلف على الوتر الحساس فانتقد ما دخل على الحياة من ادناس ونحا فى وضع أزجاله منحى المعلم المؤدب يلقى بأزجاله على تلميذه فتجد فى نفسه مرتعا خصبا . وتصل الى قرارة نفسه . فيعيها ويأخذ بها فمن ذلك ما قاله يعاتب سكيراً اضر به الخمر وأفقده ماله وأسقط من منزلته بين الناس وفر قرشك فوق يا ضلالي يكفى فضايح بين الناس تخسر مالك تغضب ربك ترجع ليه تشكى الافلاس تلك والله صورة حققة جمعها المؤلف فى بيتين من الزجل السلس السهل الذى يظن كل من قرأه ان فى مقدوره ان يصنع مثله . وهو لو حاول ذلك لما استطاع

وانى لاحي فى المؤلف هذه الهمة العالية . وارجو الله ان يكثر من أمثاله ليكونوا خير مذهب . وخير مطهر من مفاسد هذا الزمن . نجانا الله من شره . آمين .

حسن رضى

ليسانسيه فى التربية والاداب

# نصائح

هات ودانك واستمع منى الكلام	ياللى غاوى تستمع منى النصيحة
ولا تزعل لو يكون القول تمام	وأوعى تياس لو تكون كله صريحه
م اللى بحسد واللى يتكلم فى حقك	إن أردت انك تعيش فى الدنيا خالى
واكتم الاسرار يا ابنى وسد بقلك	كون بعيد دايما وخليك زى حالى
وابقى عينه يعنى لو أمكن تعينه	والضعيف دايما واسيه وارأف بحاله
والحسود يكفيك يا ابنى شر عينه	والسفيه دايما داريه ؟ مالنا وماله
إعلم ان الناس فى حقه تقول كلام	واللى يتكلم فى حق الناس بكلمه
يبقى بين الناس مالوش اى (احترام)	واللى معاملش كل الناس بدمه
يبقى ده بأف وكان حقه العقاب	واللى ييعايب على أحوال جيرانه
واللسان الحلو أصل الاكتساب	والسعيد ده أصل سعده من لسانه
أقتصر ويا كثير أحسن ماتع	وان لقيت واحد يتكلم زياده
ألا بكره (الآخره) يا ابنى رح تقرب	خلى بالك ؟ م الديانه والعباده
وازرع المعروف لبكره تلتقيه	واقفل الخير لو يكون ماهش فاهله
وامثل قدامه لما تفوز عليه	واللى ينكر همتك خليه فى جهله
بس خليك ويا كل الناس وديع	واخدم الاوطان ودافع عن بلادك
قول معايه ربنا يهدى الجميع	وان أردت تكون عظيمه باجتهادك

## غرام الجنیه

---

یاناس حبیبی مجافینی وایش بعد جفاه  
ومین خلافه یسلینی مقدرش أسلاه  
دی نار غرامه بتکوینی

---

من یوم عشقته ونا قلبی دایب دویان  
د کان لی فین یاناس محبی وبقاله زمان  
وحب محبوبی یصبی

---

عذبنی یاما وکوانی أبو خسر نخیل  
واقول د بکره یعودتانی واحلم باللیل  
وجه شقلب لی کیانی

---

محبوبی ۱۰۰ فی ال ۱۰۰ اجل محبوب  
یاروحي متحن علیه انت المطلوب  
یاجنیه بلاش تقل علیه

---

یاجنیه انا ف جک دایب لیه کتر جفاک  
بس الزمان اصله غایب زعلنی معاک  
وجیبی من هجرک دایب

---



الحب (يفك) عضامى (وربال) نى ! تسيل  
 ياجنيه بشوفك فى منامى بفرح وأميل  
 واملا جيوبى و(كمامى)

فى أول الشهر تحينا بترد الروح  
 يالى وجودك يحينا وبعادك نوح  
 تعالى حبه وسلينا

والآلف منك ياغالى لو مع زجال  
 احلف ميعشو ازجالى واقترح جورنال  
 وايع كان بتمن على

انت اللى بتفك ضيقتنا بعد الافلاس  
 انت اللى (قاضى) لنا حاجتنا وبتنفخ ناس  
 انت متنعش مهجتنا

(حكمت) بالصد على يكفانى صدود  
 انت حيانى وعنيه وأنا يك موعود  
 موعود اهيص بالنقديه



# قلوب الناس

يا قلبي	مالك	سمعي	على	إيه	بتنوح
ولايه	رماك	بس	يا قلبي	وبقيت	بجروح
ولايه	يا قلبي	رح	تعمل	لقلوب	الناس
مادام	يا قلبي	تكون	مخلص	دأما	تنداس
تنداس	ومين	يسأل	عنك	مخلص	وأمين
دي قلوب	تشابه	لفاتوره	متكونش		حزين
فيه قلب	لما	يشوفك	تلقاه		يهواك
ويحب	دأما	ألفاظك	ويكون		وياك
وقلب	تلقاه	يتكلم	ولا	فيهش	كلام
وكل	قوله	على	لسانه	ودا	قلب
وقلب	لما	تكون	عالی	يحقد	ويغير
وقصده	يقي	احسن	منك	من	غير
وقلب	لما	يشوفك	بحسد	على	طول
يتمنى	لو	تصبح	عره	وتكون	مخلول
وقلب	لما	يشوفك	عاوز		يرميك
يتمنى	لو	يلقى	جهنم	وقوام	يشوبك

وقلب لما ينظر لك تتغر قوام  
تخلص له تلقاه قلب اسود قلب ابن حرام

وقلب يظهر لك منه اخلاص وحنان  
وبس في الظاهر لكن دا وراك مليون

وقلب مخلص للمخلص مخلص وأمين  
دا قلب محسوبك يعنى أفهم يافطين

وقلب لما ييشوفك يفرح ويميل  
وعنده تشبه للكوكب فى عز الليل

وقلب دايب م الخمره يزعل وياك  
ويحب يسهر فى مقامره ويحب هلاك

وقلب من عشق ولاده ساكنين فى حشاه  
بروحه دائما يفديهم مش هما فداه

وقلب سايب أولاده دائما مساكين  
ويحب دائما يتفخخر مش يبقى حزين

وقلب يحب يصاحبك ويكون وياك  
تلقاه يشاركك فى مصايك ده قلب ملاك

آدى القلوب آدى حالها خليك بحبوح  
وان كنت ياقلبي حتيأس انا وانت نروح

وفيه قلوب اسمع مني بتميل للشر  
وبعضهم لما يشوفك يقول إنجر

وقلب ملان حنيه ودا كله أمان  
ان غبت عنه بيتألم تلاقيه حيران

وقلب عاوزني اقولله خليك على نار  
وقلب مش مخلص لى وكلامه فشار

وقلب يحب فلوسك ميال للمال  
ان كنت يوم تبقى مفلس ينقلب الحال

وقلب ينكر (افضالك) والدنيا نهار  
ويقول دا عايش فى الجنه اما انت ف نار

وقلب تلقاه من ناره دايم محروق  
يحب نفسه دا ينوبه من جبه خازوق

وقلب بيواسى الفقرا بالعين ؟ . ! والمال  
وقلب تلقاه ما يخافشى وقدامه قتال

وقلب يحب جنابك لله ف لله  
تلقى آلامه دى آلامك اوعك تنساه

وقلب يحب بلاده قلب النحاس  
يعيش لمصر المحروسه ولكل الناس

## فی المنام

روح تله من التعب بدری وقت اللله انام  
لحسن انا منی انخر وندی فیہ برد وزکام

روح حالا بالعجل ورحت داخل فی السریر  
مکنش وندی فیہ امل الوهم وندی کان کثیر

سلمت روحی للنام من کتر تأثیر المرض  
وقت والدنیا السلام علیک یارب انت العوض

بصیت لقت ملاک جمیل طایر یهفیف نحتی  
وفی الهوا عمال یمیل طیب حایشنی علی

وقالی مسکین رح نموت دی الآخره یا ابنی قربت  
فضلت اقول ازای حموت ولقت مفاصلی اتکهرت

خدنی معاه طرنا سوی فی الجو نسج فی الفضا  
ونمیل کدا ویا الهوی دا شیہ جمیل دا شیہ رضا

بصیت لقت بستان کبیر فیہ الفواکه عالشجر  
وفیه طیور انواع کثیر هایصین علی ضوء القمر

وتشوف بلابل ع الفصون وصوتها يسحر والنغم  
والعندليب صوته الحنون يزيل من القلب الألم

انا قلت ايه ده ياملاك فقال دي جناة النعيم  
واللى يود يروح هناك لابد دا يكون مستقيم

ولقيت بلد شكل الجبال والجو ناره مشعله  
والخلق عايشين فى الرمال م النار حالتهم قندله

ولحم تلقاه ينشوي ولحم تلقاه ينسلق  
وجسم تلقاه يتلوى وجسم تلقاه ينحرق

انا قلت ايه ده ياملاك فقال لى دى نار الجحيم  
انظر بعينك شوف هناك تلقى العذاب يا ابني أليم

اللى يسلف بالربا واللى يياكل مال يتيم  
واللى يقتل فى (الحبا) واللى تلاقه فعله ذميم

واللى يياكل م الحرام واللى يغالط فى الحقوق  
واللى يسرق فى الظلام واللى ييفخر فى الشقوق

أنا قلت له ف عرضك أنا إرجع بينا حالا قوام  
الجنة أحسن من هنا وفتحت عيني من المنام



# عش البلبل

الفجر	مشأشأ	في	البستان
عصفور	بيزأزأ	بالأحلا	ن
والورد	مفتح	عا	الأغصان
والترجس	صحصح	والريحان	
* * *			
والنسمه	تلاعب	في	الاشجار
تضحك	وتداعب	في	الازهار
والفل	اتبسم	للأقار	
قرب	يتكلم	بالأشعار	
* * *			
والبلبل	صبح	بالأغاريد	
وبصوته	يصدح	بالأناشيد	
وبلايل	جوله	شبه	الغيد
وبقوا	يردوله	وهو	يعيد
* * *			
في اليمه	التانيه	فيه	كيروان
وده	مالى	بصوت	رنان
فرحان	ومزأطط	جوه	أمان
على غصنه	مأطأط	غصن	البان
* * *			

النور	صباح	فی الجنة	د صباح
مسرور	أنا	بالمعنى	د صباح
عصفور	أو	بلبل	یاریت انا
سطور	واملا	أزجل	ولا كنتش

\* \* \*

ذل	عشتك	(فكري)	مسكين يا
تمل	لما	تجری	طون يومك
یهل	والشهر	ساعتین	وفاضل
تل	وديونك	فین	حتروح علی

\* \* \*

	والبقال	يحضر	والخضری
امهال	بلا	تكثر	والطلبات
الحال	وقف	تشكى	ولمین رح
دجال	يقولوا	حتبکی	وان كنت

\* \* \*

شهرین	له	یشاق	والجانی
صلین	بالو	ویزعق	یحضر
	المدرستین	اولادی	طر دولی
علی فین	اروح	قصادی	قعدولی

\* \* \*

كبير	وغلبی	ماسكنی	والفقر
أسیر	صحت	لاحقنی	والهم
	والعصافیر	البلبل	یا حلاوة
تأثیر	ولا	یقبل	لام

\* \* \*



عائش متمتع في البستان  
وبصوته يمسجع بالالحان  
ياريت انا بلبل مش انسان  
في العش وأدخل أعيش في أمان

\*\*\*\*\*

## العجب..؟

ناوليني يابنت المزار وهاتي لك طار  
وانت ياواد شد الاوتار وانشد ألحان  
وقول معايه أزي الحال ياسي عبد العال  
نسوان بلدنا صبحوا رجال واخنا النسوان  
لى صديق مره زرته ياريتنى مازرنه  
ياريتنى ما كنت عرفته معرفته حرام  
كلام مراته ماشى عليه بتهكم فيه  
بمشى وراها وتمشيه زى الخدام  
صاحبي الاقدى دا رأيته وهوه ف بيته  
عمال ييكنس لمراته ابن المركوب  
والست قاعده مع الاحباب ماسكه لها كتاب  
اما صحيح دى عيشه هباب والحال مقلوب

كنيس وعاوز آل بطبخ !. حاجه توسخ  
 فضلت انظر له وأنفخ وبقیت مختار  
 والست بتعيد عالتواليت ياريتنى ماجيت  
 بالذمه ياخوانى اتعليت ودا عيشته مرار  
 وخرجت من عنده معلول زي المسطول  
 يقول عليه قال مخلول شوف الاقوال ؟  
 اكنى قلت لكل الناس د راجل محتاس  
 حدش بقى لازمه كناس ويربى عيال ؟  
 يافندى عيب تعمل خدام والست تمام  
 يافندي قوم طلقها قوام بلا شغل جنان  
 وان كلامى غير معقول أو انا مخلول  
 خليك بقى فى البيت على طول زى النسوان

## معارف .. ؟

ياللى بتمعر تمللى بس ليه المعر  
 خليت مقامك وطى ولم بقالك سعر  
 ألثر فين والزجل طيب .. وفين الشعر  
 ( يافندى ! ) عيب لو تقول انك بقت كذاب  
 انا كنت ناوي اعدمك لولا يياض الشعر !

# صبحية سكير . . ؟

انا بدى اكتب وأسطر سوق الادب ليه متأخر  
اخلاقنا مالها بتهقر والهلوس زايد متبعتر

يابن البلد ياألاموده يالى سينك جت سوده  
شايف آدابك مهدوده وليه كده عامل عنتر

غلبت اكتب يابن الناس وكل يوم انظم اجناس  
وكل ماده مابتحتاس وكل ماده بتأخر

الاجنبى افضل منك وذهنه انصف من ذهنك  
وفته على عن فك ومظهره أحسن مظهر

أصله فقير يباع رنجبه وامه ببيع فى سفنجه  
واولاده سارحين بالمنجه وكل يوم المال يكثر

وكل ده صبر ومجهود بالاقتصاد اصبح (فرى جود)  
صبح راجل مالى ومعدود أما انت حالك يجسر

دأبما معاك حق المنزلو محال أشوفك غير مسطول  
بعدين ياواد تصبح مخلول وتبقى مجنون قول واكثر

وغير كده تشد الغابه وتبقى حالتك فى كآبه  
أما نداله وغرابه وإمته بس ح تستعبر ؟

وليه بتسكر ياخايب وف حب سى البرميل دايب  
وللزجاجة اتتوا نسايب إخيه عليك . لما بتسكر


حالا تتحرق يا أخينا وعيال تقول (سكران طينه)  
وتعرنا وتعب فينا اما البوليس حالا يحضر

أقلام حكوميه تفرقع اما النغم يقول مجدع  
والقسم أحسن لك وانفع قوام ويكتب لك محضر

وينيموك على فرش حرير (اسفلت) يعنى صنف شهير  
وتنام وعنها ويا تشخير ومنظرك اوسخ منظر

ويقوموك فى الصبحيه وتبقى عال (الصبحيه)  
مباركه يعنى يابله ( عريس وصاح متعكر )

يامصري دي احوال ترضيك قلبى انظر من حزنى عليك  
يامصرى قوم فتح لى عنيك تلاقى نفسك متأخر



## الزوجه العجز جز ؟

ألقيت هذا الزجل بمحطة اذاعة راديو نافره بالاسكندريه فقال  
اعجاب جميع أهل الثغرو أعيد مراراً بناء على طلب الكثيرون



ياناس دى مرانى عجيبه وعجوزه وحالها هباب  
وانا حالتى منها كئيبه الله يجازي الخطاب

جابهو هالى وقالوا جميله دى عروستك (بيضه) وعال  
دى غزاله عيونها كئيبه وخفيفه ولسه عيال

محسوبكم هاص واتفرفش والقصد دخلت عليها  
ولقيت الوش مكرمش وعماصها مالى عنها

ونهايتيه ولا اتكلمتش اكمنى انا مكلفها  
وعملت انا راخر اعمش علشان قلبي يولفها

أتايبها كمان غجريه وتعارك كل جيرانى  
أنا أخرج فى الصبحيه وكان هى لحقانى

بتعزى ف جوز صاحبها وتقري على المرحوم ؟  
وتزور اللى خاطبتها وتعربد طول اليوم

والمغرب تيجى ف يتتها والبيت فى حاله رديه  
تقعد تغسل حلتها وتأللى التأليه ؟ !

محسوبكم ييجى عليها والربحه تعمى عنه  
أنا فار ياناس فى ابديةا والقطه بتلعب يه

أول ماتشوفنى تزعق وتقول ياميلة بختى  
أنا منك قربت اطفى ودى رجالة ايه بختى ؟ !

لا جايب لى معاك رمانه ولا فاكه ولا ملبوس  
من عيشتك أنا طهقانه يامنيل يامتوس

وتشد ياناس ف هدمى وتقطع لى البماغ  
مش بزيادانى همومى م لازمه وقلب دماغ

ليه أعمل بس قولولى اضربها ولا اخنقها  
قربت اسقط من طولى ودي عيشه ماحد يطيقها

والأدهى فى ليله اتجنت قال ركبوها العفاريت  
وشويه شويه انسلت عاوزه الجاز والكبريت

جبتلها ألف حكيم وكان جبت لها الدايه  
مابقاش فيه ولا ملیم ضربت تفليس ويايه

وف ليله حضر عفرتها وطلب تعمل لها زار  
ندعى لها كل حارتها وطلب ندبج له حمار ؟

وطلب تعمل لها موكب ولبسها الطرطور ..  
وكان نختق لها أرنب أنا قلت فارقني وغور

دورت الضرب بأیدی وكسرت عليه قبقاب  
ودي قامت باست إیدی والجن فارقها وتاب

وكسرت عليها القله ونزلت عليها بشومه  
ونسيت الدين والملة خليتها تعوز برسومه

ياللى اتوا سمعتوا حكايتي حدش يعرف لها موته  
دى كانت كل خسارتى دى دون وشلق عكروته

وان كان ممكن يدفنها له منى عشره جنيه  
ارتاح يا عالم منها وأبوس له والله إيديه

وان كانت تطلع تانى دى عليه ونا مش ملازوم  
على روحه هو الجانى لو تاكله ولا تنزوم



# بطل العشاق

حبيبي خفه وخفافته شبه  
ولما يمشي ويتمخطر أبقى  
الغزلان فرحان

مسرور بحسنه وقوامه ولحظه  
احب اشاهد في جماله وطرفه  
الفتان العسان

دا البدر يخجل من حسنه لو كان  
ولما يتكلم تسمع صوت  
سهران الكيوان

وعيوننه لما تنظر لي السحر  
ابقى ف نعيم جنة حسنه زي  
بيان السهتان

دا كل عاشق ييشاكي صد  
وانا وحبيبي متمتع والجو  
وهجران أمان

الجو من حسنه صافي جـو  
لا فيه عزول ولا فيه واشى ولا فيه  
الحسان شيطان

يقدر يحول ف قلوبنا دي قلوب  
غرامنا اخلاص وصراحه دا غرام  
خلان شجعان



لو کان حیپی بوم ییعد      ابقی  
وان کنت ابعد انا عنه      تلقاه  
دبلان      سرخان

ورونی مثلی مین عاشق      وهاتولی  
دکل عشاق لیام دی      عشان  
بیان      صیان !!

اللی عاشق له      کرکوبه  
واللی یی عشق      (کمریره)  
اسنان      جربان

واللی یحب      الخفه      زوجة  
واللی یمشی فی      حواری      زی  
سی فلان ؟      الاعلان

واللی أفعاله      تشابه      فعل  
ورونی عاشق      قطاعی      یظهر  
الشیطان      ویبان

ورونی عاشق      مایحبش      دسته  
ورونی عاشقه      مایکونش      عقلها  
نسوان      تلفان

ورونی عاشقه      مانحبش      أربع  
ورونی عاشق      یاخواتی      فی الحب  
ورونی مثلی مین عاشق      وهاتولی  
شبان ۱ ؟      انسان      بیان



# محاوره بین سکبر وحشاش

جرى الحديث الآتى فى الترام بين رجل ( حشاش ) و صديق له  
( سكبر ) و سمعته منهما إلى آخره فنظمته زجلا ليتفككه به القراء الاعزاء

## الحشاش

ياميت مساياعم حسين يا (عتره) ياسيد الجدعان  
يااعم رايح كده على فين بردك بتشرب زى زمان

من مده يا حسين لم شفتك أنا قلت يمكن ده يكون تاب  
أزي يا حسين كده حالتك وأزي حال كل الاجباب

## السكبر

أهلا وسهلا بى بجبوح انا كنت فى الدقى امباح  
وسألت والله الواد بمدوح قال لى عليك انك سارح

ياللا بنا نروح (لخالى) نشرب لنا عنده كام كاس  
أخلص بقى قول وانا مالى أو قول أنا مشربش الكاس

## الحشاش

يقولوا ان الخمره حرام يا حسين بلاش بقى نشربها  
بلا خمره يااعم بلا سخام ملعونه هى وشاربها

وغير كهان لما بتشرب تقعد كده تشتم في الناس  
ويبقى دمك متكهرب كهان ولا ييقاش احساس

---

### السكير

ايه الكلام ده يا مجروح يظهر عليك إنك مسطول  
حلال حرام يا شيخ كده روح انت باينك واد مخلول

---

عامللى يعنى (تمشيش) فرفش يا شيخ سيدك زيط  
طاوعنى ياللا بنا (نمخمنخ) والضيع فينا اللي يعيط

---

### الحشاش

يحرم عليه شرب الكاس دى الجوزه سته وبعينه  
الكاس ده ياما بهدل ناس أما الحشيش شى عارفينه

---

أحسن تعالى كده نخشش ونعبأ الدنيا دخان  
وإن كنت ياصبوه تدخشش تضحك عليك كل الجدعان

---

### السكير

لو كانت الخزه دى حرام كانت الحكمومه تمنعها  
هى الحكمومه مش أسلام زيك ودا شى يوجعها

---

لكن الحشيش هى منعاه      علشان حرام و كان د مضر  
وكل شى. هى فاهاه      وازاى تصرح لى يضر

---

أكبر دليل وأكبر برهان      ان الحشيش شربه سرقه  
و(الكبس) دايرع (الجدعان)      أما الخمر شربها رقه

---


### الحشاش

لو كان صحيح عندها اصلاح      تقفل كان كل الخماير  
خلينا يامى حسين نرتاح      دي جيو بنا خربت م التبذير

---

### الاثنين

يارب تهدي لنا الحكام      يارب يكفانا أزيه  
واحفظ مليكنا الفين عام      وفاروق وفايزه وفوزيه



# آخر زمن

ليه يازمان الهلس اتيت هي القيامة رايحه تقوم  
دي خضره سمت روحها جوليت والشيخ عمر أصبح فارنوم

كل العجب شفتاه يازمان عجب عجيبه وعجايب !  
الحق ضاع مافيش أمان وأصبح الباطل صايب  
عيل صغير تلقاه سكران راجل كبير تلقاه عايب  
والبنت تطلع لك م البيت قول الحيا منها معدوم  
ليه يازمان .....



أبوها ليه مايحكمهاش ولا أخوها ولا خالها  
وان قولنا سايه او مالهاش واحد تهمة أحوالها  
أو قلنا أبوها مایشوفهاش أبوها شايف اعمالها  
لا يحس من قرص البراغيث ولا ينبطح من ضرب الشوم  
ليه يازمان .....



راجل ككبر عايب وشريز      غاوي التفرنج والتمدين  
 صبح في ايده الشرع أسير      صبح لا له مله ولا دين  
 والعفه عنده مالها نصير      اخلاقه صبحت زفت وطين  
 صبح بدال القول والزيت      (بمز) بالجنبري ع (الروم)  
 ليه يازمان .....



ويأخذ ابنه في الحانه      والواد يقول ياللا (أبيه)  
 وكسات في ايدهم مليانه      والحاله بالذمه كئيبه  
 آداب وصبت منهانه      أخلاق وياخساره عجيبه  
 ليه يا آداب عنهم وليت      وحالنا ليه أصبح مشنوم  
 ليه يازمان .....



ذنب الولد واخته على مين      الذنب كله على الوالد  
 راجل ككبر له مخ تخين      وأولاده مفسوده وفاسد  
 لو كان دا عاقل ولا رزين      كان الادب فيهم زايد  
 اعقل بقى ياسبع البيت      وعيش بقيت عمرك مكروم  
 ليه يازمان اهلست أنيت      هي القيسامه رايحه تقوم  
 دى خضره سمت روحها جوليت      والشيخ عمر أصبح فارنوم



# بنات الامس وبنات اليوم



ياقلب مالك قايد نار ايه الاخبار

قول الاسرار

يمكن تنفس

وإيش بعد ياقلبي ماتنوح ومليتني جروح

بالاسرار بوح

ولا تهتمش

واوعك ياقلبي تخفيها قول وافشيها

ليه تخيها

وتخاف وتكش

دى البنت طالعه العصريه لابسه (طقيه)

وعينها (قويه)

ولا (تبريش)

من غير شراب عاملا لنا سبور و (زنود بنور)

وانا (دمى يفور)

ولا استحملش

وماشيه تنقصع ((وتنز)) دي زى الوز

رباية العز

قولوها (هش)

وقال لها أصحاب شبان فى البيت (سكان)

واللى فى (الدكان)

(قول مادخلتش)

وتروح تياترو آل بالليل يادمعى سيل

على بنت النيل

اللى فى الوش \*

\*

مبقتش بنتنا مصريه و ١٠٠ ف ١٠٠

صرنا هفيه

وايش بعد الغش

تقليدنا غير أخلاقنا وغيرنا سبقنا

وجالنا سرقنا

ولا بنحسش

يا أهل البلد طال بينا الحال والقييل والقال

وف كل مجال

الناس بتوش



راح فين زمن لبس (الخلخال) والشرف العال

وكنوز المال

اللى ينعش

يامصرى د الحال متأخر له (بتشخر)

قوم واتبخر

قوم خد لك دش

ربى البنات ربى الصيان شايفك نعان

فوق ياغفلان

اصحى ولا تنمش

يامصرى قوم بقى يكفاك نوم مشبعش لوم


ياعيب الشوم

ليه متفكرش

نفسى أشوفك دايمًا عال أخلاق وكمال

قول واستقلال

وحاجات تنمش



## سایقه ؟ . .

حاجه تفلق شیء یجنن یا حفیظ      صدر باین ظهر باین فی الطریق  
والقمیص حمالته باینه شیء یغیظ      لحم عاری بس مین یقدر یطیق

☆ ☆ ☆ ☆ ☆ ☆

یا هو انم إیه ده کله د الی باین      لو عاکسنا او شتمنا معذورین  
مین یشوف الخفه دی و میکونش خاین      مین یشوف الخفه دی و یکون رزین

☆ ☆ ☆ ☆ ☆ ☆

مین یشوف الخفه دی و یقعد مبلم      مین یشوف الخفه دی و یکون حزین  
م العیون قلبی لإنجرح یأرب سلم      م العیون أروح یا عالم بس فین

☆ ☆ ☆ ☆ ☆ ☆

العیون تفتن ومنها السهم یجرح      والجفون بالسحر تتحدی القلوب  
عالحدود الناعمه تلقی الورد فتح      والشفایف منها قلبی رح یدوب

☆ ☆ ☆ ☆ ☆ ☆

مش کفایه الجسم مبلی من عیونکم      مش کفایه ان الفؤاد أصبح ف نار  
مش کفایه السحرده الی ف جفونکم      مش کفایه ان (فکری) منکو بیستجار

☆ ☆ ☆ ☆ ☆ ☆

لسه حنشوف النهود والصدر عاری      شیء یجنن شیء یضیع منه الثبات  
یا هو انم یکفی غلبی لیه مراری      أتر ناوین تقتلوننا بالمودات

☆ ☆ ☆ ☆ ☆ ☆

فین زمان لبس الملايه والبراقع واللى كان الظفر منها لم يبار  
ليه صبحنا فى زمان غابر وساقع فین زمان الست لم كانت تبان

✱ ✱ ✱ ✱ ✱ ✱

ليه صبحنا فى زمن عره وبلاوى أبكى يا عني (الضفاير) و (الشعور)  
فى الزمان ده السيده تشبه لحاوى والحلايق كلها غاويه الظهور

✱ ✱ ✱ ✱ ✱ ✱

عيني شافت فى الاتوميل واحد سايقه زمرتلى لحبطتى قلت دوسى  
اتبسمتلى هف طارت هى رايقه وليه انا من جيبها خنلع دروسى

✱ ✱ ✱ ✱ ✱ ✱

عقلي شانت اعذروني يا جماعه الا أدعى بحرقه تسحر كوا العيون  
بدي اقول العصر ده عصر الخلاعه والجنون باناس درح يصبح فنون



## الاديب


يادهر حاسب شوويه بس ليه بتجور

يادهر مالك ومالى بس ايه الدور

لعمل عمالك روايه وكل يوم منشور

بتصاحب العره ليه واين الادب ينداس

أما صحيح يا زمان انك لثيم مغرور .. ؟



## عشاق اليوم . . ؟

يا قلبي للحب امثل مدام بقيت عبد الهوى  
وللعشاق انظم زجل اشرح شجونك والجوى

حبيت جميل طبعه الجفا وكل يوم ييزيد دلال  
وحى ييزيد والصفاء لما بقيت شبه الخيال

وشفت في حبه العجب وياما شفت من الصدود  
فكنت ياما في العتب وذللى له فاق الحدود

بحلالى ذللى والعذاب ولما أشوفه أمثل  
وان غاب تلاقى عقلى غاب وان حضر عقلى وصل

لكن بقى فى العصر ده عشاق عجيبيه لمن عجب  
عاشق وحبه لده وده والحب صار خالى الأدب

وتلاقى ده حبه لغرض وتلاقى ده حبه لمال  
ولو عمل حيله (وقبض) تلاقى قلبه لغيرها (مال)

والحب أصبح فى النفوس يشبه عزومه أو فرح  
وتشوف فظايع فى التكوس والقلب منها يينجرح

وتانى يوم تلقى الميعاد      ويا حبيب غير الحبيب  
ولصنف (ثالث) فى وداد      صدقتى حال لكن عجب

---

حب الزمان ده والله عار      وأشكى لمن وأحكى لمن  
سوق الزواج منه ف يوار      مفيش حبيب مخلص وأمين

---

ياقلبي وحدك امثل      واشرح شجونك للقلوب  
وللاجه اكتب زجل      واللى غرامه فيه عيوب

---



## حبيبي

---

حبيبي خفه جماله يشبه جمال الحور  
الصدر يشبه لمرمر أما الزنود بللور  
شيل جفونه سحرتنى م الجفون مسحور  
بلحظه أسرنى لما بقيت أنا ((عبد))  
(يحللى) عذابى فى حبه والحبيب مسرور

---

# الاجانب

قالوا الى ميشوف م الغربال ديقى أعمى ولا يشوفنى  
يابن البلد جرى ايه أمال عن الضلال مبرجعشى



حب الاجانب عندك دأ عايز تناسب سى نكولا  
والخره دى عندك تريا تسكر وتعمل هليه  
ويبقى حالك اسوأ حال يامصري ليه متفكرشى  
قالوا الى ميشوف م الغربال . . . . .



بالاجنيه هايم ليه يامصرى دى لطمه ف وشك  
ترجع تقول منها بربه وغير كده تفتح كرشك  
وكل يوم بنشوف أحوال لازم أقول لك منكركشى  
قالوا الى ميشوف م الغربال . . . . .



عمال تبعت فى الاموال خمر ورقص وآلاتيه  
وللقمار دائما ميا بدل جنيه تصرف ١٠٠


ليه القهار دائما شغال ليه القهار ميطلشى  
قالوا اللي ميشوف م الغربال . . . . .



ابليس غواك وبقيت شيطان والهلل عندك صار غيه  
صبحت واد عره وتلفان ونسيت كرامة الوطنيه  
غلبت اضرب لك أمثال والذوق معاك مينفعشى  
قالوا اللي ميشوف م الغربال . . . . .



يامصرى امتى حتفتح وامتى م الغفله حتفوق  
يامصرى انهض قوم صحصح عايز أشوفك دائما فوق  
نفسى أشوفك دائما عال وللا جانب متميلشى  
قالوا اللي ميشوف م الغربال ويبقى أعمى ولا يشوفشى  
يابن البلد جرى ايه أمال عن الضلال مبرجعشى



# على البلاج



يا جمال الخفه على الرمله والبحر يضحك لجمالها  
والموجه معاها بتسلى والميه تداعب فى خيالها

يا جميله مين بس فى حسنك يا حلاوه الجسم البـنـور  
رمانك ده طاب على غصنك وقوامك يشبه للبحور

عشاقك ياما حواليكى وانا راخر ضمن العشاق  
عشاقك حيوسوا ايديكى وكلامك ليهم ترياق

عشاقك ياختى بال ١٠٠ والقلب ده ميسعش ألوف  
فى الميه تشابهى البلطيه والبورى حواليكى صفوف

أنا خايف للبورى بعضك أسماك حواليكى قاسين  
يا جميله ياختى أنا فى عرضك أنا خايف م البنى آدمين


أنا غاير م البحر عليكى والموجه مبرحمكيش  
دى الموجه بتلطش فيكى وجنابك نازله تلطيش



يا جميله يا ختى إرحمى قلبى أنا عاشق خفه وعفاف  
آه يانا من حبي يا غلبى من عشق الأيام دي بخاف

من بعد الحمام يا حيانى أمنتك لتداري قوامك  
أنا عاشق معذور يا خواتى والحب دلخبطنى (قوامك)

الحب د أصله من نظره م العين اللي بترمى سهام  
من كاسه أصبحت ف سكره وأمالى وياها ألام



## عائق!

ياللى بتصنع شباك د البياض مش عار

ولا انت قصدك عياقه لجل تبقى صغار

اتلم حبه يا شايب ياللى عقلك طار

وان كنت تصنع حواجبك دي كمان رخره

رح تبقى شايب وعايب دون ماللكش بزار!



## حظ الأديب

حظ الأديب في الدنيا قليل والفقر ماسك في خناقى  
والبؤس خلا جسمى عليل والمهم كمل عالباقي  
قربت أموت وحموت حزنان

\* \* \* \* \*

قضيت حياتى وانا زجال أنظم زجل (وأقرأ أشعار)  
أكتب زجل من كل خيال وفى الحقيقة أنا فى مرار  
تطلع عيونى فى الأوزان

\* \* \* \* \*

وف كل حته تلقانى تسمع نكت حلوه طريفه  
وإن قلت شىء من أوزانى تفرح ولا أكل (النيفه)  
ولكن أنا مليون أحزان

\* \* \* \* \*

أحزاني دي من أحوالى وأسمع اقولك شىء منها  
أشرح همومى ف أزجال وإيه لزومه أخزنها  
والقلب منها صبح مليون

\* \* \* \* \*

أول عديدي على الطربوش      اللي صبح شكله عجيبه  
(الزر) تلقاه حلق حوش      ثلاث قتل أما (مصيه)  
(وقله) من جوا (خربان)

★ ★ ★ ★ ★

(والخوصه) دابت يا خساره      والقرص يشبهه للبغه  
طربوشي عاوز له عماره      طربوشي ده مالوش وصفه  
و(البقي) عتش في الاركان

★ ★ ★ ★ ★

حتى الجاكته من غير (كم) .      جيوبها نافده ع الخالي  
أما (البطانه) حالها يغم      تشوفها تهرب طوالي  
خاليه الزراير والالوان

★ ★ ★ ★ ★

وتشوف (قميصي) تستعجب      (زعلان) مع اليافه (وهربان)  
ترك لي ياقته ويهرب      يعني القميص دايب دويان  
وأسمح لي أقول (عدمان) (عدمان)

★ ★ ★ ★ ★

أما (الفانيل) الاموده      من العرق لونها (أرضي)  
حالة الاديب منها سوده      بالذمه دي أحوال ترضي  
ولو تشوقني تقول جربان

★ ★ ★ ★ ★

﴿والبنطلون﴾ حاله تبكى عند الركب فيه ١٠٠ رقعہ  
ولما أطاطى يقول ﴿نكى﴾ يعنى عاوز له كان رقعہ  
من بنطلونى أنا زهقان

\*\*\*\*\*

﴿والجزمه﴾ دي مالهش لزمه علشان أنا ﴿لابس حافى﴾  
رباطها شبه رباط (جزمه) فى الأصل كانت خفافى  
هو الأصيل دايما منها

\*\*\*\*\*

وده شعر دقنى وشعر الراس عاملين على وجهى غيامه  
يارب سترك (فكرى) احتاس ووشى مش وش (تلامه)  
أنت الكريم انت الخنان



## الصاحب

ياقلبي حاسب شويه متآمنش لحد  
الصاحب اللى صاحبه منقص وانسد  
وضيع مقامه وانزل من بعد ما كان جد  
وان كان معاه كله لا بد بكره يزودها  
وان كان مفيش يتلهى ويلطم بقى عالخد !



## غرایب الاسماء



يا لى انت مغرم بالاسماء اسمع زجل كله عجائب  
ولكل واحد ح تشوف دا وينوبه من اسمه نايب

### فايق

انا شفت مره جدع سكران طينه ولكن واد عايق  
فى الوحله متدرمغ عدمان ومن العجيب اسمه (فايق)

### سعيد

وصادفى مره وانا ماشى راجل كبير تمبل وبلد  
يقوللى قال متعشاشى بقولله اسمك قاللى (سعيد)

### جميل

وفيه جدع لما تشوفه فى الصبح بيقى نهارك ليل  
د شكل بومه ياكسوفه ويقولوله قال (ياجميل)

### الطويل

وشفت راجل طول شبرين زعيم هاجوج حاله بالويل  
واسمه إفهم بالتخمين ده يقولوله قال (ياطويل)

## ابو العینین

والآدمی مره فیہ حظور صدم فی راجل مکن سمین  
میحبش عاجز معذور واسمه عمک ابو العینین

## أمین

وشفت عسکری داوریہ فی ایدہ لص جری و متین  
سارق له خزنه حیدیه ومن الغریب ده اسمه أمین

## شاكر

وسمعت واحد سب الدین ناسی الاله ولا هوش فاكر  
تلاقی دایما وشه حزین واسمه ایه یقول (شاكر)

## محسن

وفیه بخیل مشهور بالجوع فی بخله دایما یفترس  
غنی ولكن شوف جربوع تعرف ده مین دسی (محسن)

## منصور

وشفت مره فی خناقه واحد ضرب واحد بساطور  
ودمه ساح وبقی عیاقه واللی انضرب اسمه (منصور)

## کوکب

وشفت واحد عبد غطیس ینفع فی حفله أو موکب  
وكان جنابه لیايتها عریس ویقولوله یاسی (کوکب)

## محبوب

وفيه راجل عال متعلم ويضرب ابنه بالمرکوب  
والواد بليد قوي ومعلم آل ايه واسم الواد (محبوب)

## الشحات

وفيه وليه صاحبة دار كبير وكل ولادها بنات  
جابت ولد من بعد مرار خلقت رح تسميه (شحات)

## غريب

وفيه صاحب عال مشهور طيب ورقة كان وأديب  
وعمره مركبش في وابور ابن البلد قال واسمه (غريب)

## معتوق

وهناك بقى في سجن الاشغال فيه شخص م الاحكام مفلوق  
يشلوه في حجاره تقال امال ده ليه اسمه (معتوق)

## نور

وفيه واحد اسود تتون طويل وظله وظهر وابور  
زربون وابن الشيخ زربون ويقولوله قال ياسى (نور)

## شريف

وفيه جدع ياع كوكاين دا وصفه مش محتاج تعريف  
في السجن له (برش) وبطاطين ومنين دي بقى اسمه (شريف)

## محبوب


وله صاحب یعنی حبیب      دائما آذینی فی (المشروب)  
وکل یوم عندی وعجیب      أقولہ أهلا یاسی (محبوب)

## سمعان

واللی تلاقیه اسمہ سماعان      اطرش کمان میسمعی  
واللی تلاقیه اسمہ سرحان      وهو عمره مسرحی

## انت

یاللی انت اسمک جاب لک دام      بردون یاسیدی مترعلشی  
درینا خلق الاسماء      وجعلها اکتر م المحشی



## نشید البابل

عالفصن غنی یابلبل لحن سماعا  
وقول لیالی م (الجرکه) و (رصد) واشبعنا  
من یوم ماغاب الحیب من بعده لوعنا  
قوللی نشید البابل وانت فوق غضنک  
ویوصف حی البیمل الخفه متعنا





# البلبل

البلبل واقف على غصنه يغنى واللحن شجاني  
يا حلوة البلبل ويا حسنه دا طربني ونعش وجداني

على غصنه واقف يتلى والورد يسمع أحيائه  
والفله علشانه طلاله وعاجبها سحره وبيانه

يغلي الازهار تمايل من ورده لفله لياسمينه  
فرحان يغنى ومش سائل مين زيه ف هدوء وسكينه

والكيروان من كتر سروره بيعدي النيل ويرجع له  
والبدر منور له بنوره وكمان البدر يسمع له

غنى يا بلبل غنى لي دا صوتك من حسنه سحرتني  
سليني يا بلبل سليني انا عاشق والحب قتلتني

تسمع لي يا بلبل احكي لك على شيء من حبي وتعذبي  
تأثر . مش راح اشكي لك خليني ف نارى ولهيبي

حبیب یابلبل وحبیبی متعذب وکان متأخر ؟  
وعذولی واقف ورقیبی علی عندی وعنده متأجر

غنی لی دورک ع الحاله وانصفنی وانصف لی بلادی  
دی الحاله یابلبل بطاله والمركب مایله الناحیا دی

غنی لی یابلبل نسینی انا روحی ح تسینی وتمشی  
اصح لی یابلبل وواسینی قوم عید اللحن متبخلشی



## فکاهه

قال المعلم للتلیذ الرعد ده ایه اسبابه  
قاله الملايكة بتعزل والیت حیخدوه اصحابه

قام قال له ایه سبب الامطار جاوب کویس یاخزیر  
قال والملايكة بتعزل یافندی قام انکسر الزیر



# نُحَارِيف

---

في ليله قاعد بتفكر من وقف الحال  
بصيت لقيت دمي اتعكر م القيل والقال  
وفضلك اكتب واسطر من كل خيال

---

لقيت حمار طالع يجرى وساحب له وابور  
والسكه تشبه للعكوبرى وكمكان بتدور  
والخلق من قبل وبحرى ومن كفر الطور

---

ولقيت بمامه مصطاده م الارض خروف  
والمأماه فوق العاده وكلام مكشوف  
والفار شايل لك سجاه عالناس يعطوف

---

ولقيت غزال شارد خفه كان راكبه القيل  
في البحر ناس راكبين قفه وكمكان مساطيل  
والبحر أصله كان قفه ف درب المهاييل

---

وفيه موسيقه بغليه عاملا لك زار  
والطار صفيحيه مآيه ومطربها حمار  
وشفت مركب حريه صاها الستار

---

وشفت شيخ بالترية مش لاقى بموت  
وحله فيها تقليه على راس كتكوت  
وفيه حمامه قمرية ماسكه النبوت

---

وشفت قرده بشمسية راكمه ف بالون  
وشفت واحده جنية واقعه ف بلكون  
وشفت مكنة تقديه محطوطه ف هون

---

وشفت واحد قرداق يلاعب فار  
وشفت طرطور لحاقى وبسا كل نار  
وشفت شاعر ييهاتى على تلتوار

---

وشفت واحده افرنجيه بتبيع كرات  
وبنت شيخ العجميه سارحه بأماهات  
وشفت عسكر حراميه ستات وبنات

---

وفيه جاموسه بتتشقلب ويا الخرفان  
وفيه فقى عمال يلعب ويا الصيان  
والشمس شرقت فى المغرب والليل هربان

---

وفيه لوكانده فيها مشمش محشى بدنجان !  
وعقلی قاللی خش اکبش بلا شغل جان . . ؟  
وكلت ياما مشبعش ولا ليش أسنان . . ؟

جابولی بقلاوله بشطه والشوكة قزاز  
وحته من ورك القطه مقلیه ف جاز  
وكنافه محشیه أونظه وبشكل فولاذ

وشربت شربه مقلیه من ابدع نوع  
حليت بطورة طعمیه وبقیت مسروع  
وصحيت لقيت حالتي رزيه إخيه عا لجوع



## زرزور . . ؟

ياللی ادعيت الزجل راح فين بقى فنك !  
يانسر مالك متيس مين يحوش عنك !  
ياللی (جناحك) مكسر لا بد عن رنك !  
(زرزور) صغير يا باف وشوف تفريشك !  
ليه الغرور يا قفا بطل بقى زنك !



# عيد الفرح والانتصار

الفرح والسعد جالنا وانتصرنا  
 عيد سعيد والله وكامل فيه سرورنا  
 واتى عهد النكد والظلم راح  
 كل عام يا مصرى وانت فى اشرار  
 انتهى شهر الصيام واحتاف سعادته  
 والنسيم هههف علينا بالسرور  
 واللى كان مظلوم ده خد حقه وزايده  
 والمهموم والحزن بدلها بحبور

كل عيد فى العهد لسود كان بشكله  
 واللى محبوس واللى دايع لاجل أكله  
 اللى مضروب واللى مفصولم الوظيفة  
 يعنى أعياد كلها هم وسخيفه

اللى مضروب كان ييهتف (لرئيس)  
 من آلامه يبقى ده فى العيد تعيس  
 اللى رسمه فى القلوب هو (ونسيم)  
 يبقى عيد إزاي مدام مجروح سقيم

واللى مفصولم الوظيفة لاجل غلظه  
 أصله وفدى جد ميجبش بمالطه  
 أو يغير مبداه من أجل غايه  
 يعنى مش غلط حساب والاجنايه

يبقى بس ازى عيده بين عياله  
 لو تكون فيه رحمه كان يشفق بحاله  
 والماهيمه منين يجيبها زى عادته  
 ضاعت الرحمه وكمان ضاعت سعادته

اللى مظلوم العدالة رح تعينه  
 والوطن والوفد ايمانه ودينه  
 واللى ظالم برضه رح ياخذ جزاؤه  
 والجهاد يشقى غليله ويشقى داؤه

عيد سعيد يا مصطفىانا انت ووفدك  
 ربنا يوفقنا يا باشا فى عهدك  
 عيد سعيد يا أمه بوزارة نسيم  
 للامانى والسعادته والنعيم

# تغريد البلبل



البلبل الخلو شجاني على غصن البان  
فكرني بالمحجوب تاني ويا الهجران

---

بيدكي من بعد أليفه ويعيد القول  
ويدشكي من صده وطيفه بنشيد معسول

---

خفف شجوني بأنغامه وخلاني أميل  
ونسيت آلامي وآلامه وبقال زميل

---

سهران مع البلبل وحدي بين الاغصان  
خفف سهادي مع وجدى شدو الألحان

---

يقول ياليل اسمع منه ويقول موال  
يقنى ده ويضحك سنه دا جمال في جمال

---

ولو يقول آهو يشجيني وأقول له آمين  
ويقول حبيبي يانور عيني وانا اقول لتنين

---

انا قلت لاحكى لى يابلبل على أصل هواك  
وليه حبيبك ده يتقبل اذا كان هواك

---

قال البليل لاسمعنى قلبى مجروح  
جميل بوصله طمعنى وتركنى انوح

---

ياعنى فى تشوفيه تانى ما هجرنى وراح  
ياعنى ليه بس جفانى لاعمل سواح

---

ياهلترى فى يا حبيبى وأشوفك فى  
يامين ييجيك يا طيبى يا حبيب العين

---

لقت وليف أجمل منى ( حطير ) وياه  
بالوصل ليه بتعشمنى منك لله

---

انا قلت معلش يابلبل ود بكرة يجيك  
اصبر ياروحى ايه تعمل خسرت عنك

---

قاللى بقى دورك احكى على أصل هواك  
وليه من الحب بتشكى إيه الى رماك

---



أنا قلت محبوبى سباني إكمنه جميل  
مقدرش احكى لك تانى لدموعى تسيل

---

خفف يا بابل فى عذابى غنى أدوار  
الببل احتار فى جوانى قام سباني وطار

---


وبعدها عاد بحبيبه والشوق فضاح  
والحب زالت لهاليه وبقت أفراح

---

بصيت لقيت قافله وجايه ولقيت كيروان  
والمغنى دى تفوق آلاتيه بقول الحان

---

وجاب وليفه وجه عندى معزوز مكروم  
بصيت لقيت نفسى لوحدى وصحيت م النوم ؟؟



# شباب اليوم



يا قلب مالك ليه كده مليون جروح      عمال تنوح

بالسر بوح

مش يكفى نوح

يا قلبي من كتر البكا فين بس اروح      واشكى لمين

حال البلد شايفه كدا أصبح عجيب      أما الاديب

دمعه صيب

مالوش حيب ؟

شوف الادب أصبح كان مسكين غريب      باكي وحزين

وابن البلد غاوى الملامى والقمار      والعقل طار

والحال مرار

والعيشه عار

يا ابن البلد ضيعت عمرك فى الهزار      والجد فين

يا ابن البلد شايك كده كلك عيوب      مليون ذنوب  
 قلبي أنا من سوء فعالك رح يدوب      إمتى تتوب  
 تخليك فطين      تمحى الذنوب

---

شايك كده عامل لى أستاذ فى الغرام      ضاع المقام  
 يا ابن البلد عاوزك تكون فارس همام      من غير كلام  
 مخلص أمين      دوق الملام؟

---

وليه يا واد صابغ شعورك؟ ليه كدا      ليه كل دا  
 بالذمه شكلك ده يعوز له (معدده)      (ياسيده ؟ ؟ )  
 تلطم سنين      شعتوا العدا

---

صعبان على المصري يبقى فـ حال كئيب      بالذمه عيب  
 يا مصرى قوم انهض بقى خليك لبيب      منظر مرعب  
 عاقل رزين      أمرك غريب

---

يا بن البلد عصر الجاهله راح وفات عصر الآفات

والجهل مات

عاوزين ثبات

والعصر ده عاوز تقدم والتفات يا مسلمين

مصر العزيزه .. بتناديكم يا شباب والقلب داب

والعقل غاب

والسهم صاب

مصر العزيزه . ليه تكون بسف عذاب يامصرى لين

نفسى أشوف أخلاص وبيننا يبقى عال ونكون رجال

علم وجمال

\*

\* من غير جدال

يا اهل البلد امى دطال بينا المطال ليه نعانين

نفسى أشوف فيه بيناشى اسمه اتحاد من غير عناد

نحمى البلاد

نحمى الفساد

يارب تحفظ مصرنا وتهدى العباد آمين آمين



# اتحفظ

(على وزن وفرش منديله عارمله)

ادوني الطبله والمز مار  
وتعالى وزمر يازمار ؟ ؟

نعش لي فوادى ع الأوزان  
سلينى وغنى بالالخان

الآخره حتىجى بكره تموت  
اضربلى الدنيا بالشلو ت

اوعك تأمنها لتبقى حزين  
وتعيش متمكده ليه يا أمين

شغل مزمارك اضحك فوق  
خليك متفرش أحسن روق

الهم ان جالك سيو يموت  
واديله ف راسه بالنبوت

صدقى ياخويه احب اهيص  
ومحبش اعاشر ناس بلاليص

املاى كاسك عى وهات  
غنىلى وسلطنى فى النفات

الصيف يبين فى البـنـور  
عالشط تلاقى صنف الحـور

والبحر تلاقى فيه جمالات  
مليان رجاله على سات

والموجه تلمم فى المجموع  
تجرى المسروعه والمسروع

وتشوف عالمله حلويات  
قربت اتجنن م النظرات

بزياده ياساقى شبع كاسات  
انا عقلى اتبرجل م الستات

سمعى شوبه عا لآوتار  
نسنى همومى والافكار

غنىلى اشجنى هات اجناس  
قول تحيا بلادي والنحاس



# أخلاق مودل ١٩٥٠

---

يا قلم إكتب وهات انظم لآلى      نغش القلب اللى من همه حزين  
دا الزمن خلا الحريم لابسين رجالى      والرجال يا خساره شوف متهمين

---

الحشونه مالها نعمت يا خسارتها      والرجوله فين ياناس بس التقيها  
دي النواعم واللطافه عين صابتها      ومين حايفهم فين عاليها من واطيها

---

مين يقول ان الهلال شكل الكواكب      أو يقول البدر ده شكل النجوم  
الاله خالقنا بالشكل المناسب      يبقى طور وازاى بقى يلبس هدم

---

مين يقول ان العيون السحراويه      ألى تسيلها ده بسبب قتمال  
تبقى أصل الشر ؟ يعنى عيون قويه      سحرها يضيع دى وتبقى عيون رجال

---

مين يقول ان الغراب ده يبقى بلبل      أو يقول ان الغزال يصبح حمار  
أو يقول ان المحامى يبقى أهبل      أو يقول أن الجمل فى الجو طار

---

والهوانم ليه بقى يبقـلدونا      فى الخلاقه والملابس والكلام  
مش ككفايه غلبنا يذودونا      فى النوادى تلتقيهم بالزحام

---

فى النوادى والمراقص غلبونا      واليومين دول بنلاقيهم فى البارات  
بس ناقصين الخشونه وبمسحونا      فيه مكان شبان وعاملين سيدات

---

الى صايغ لك شعوره وشكله نيله      واللى عاملك ضوافره ببويه حمرة  
واللى بهدل خلقته وعنيه كحيله      واللى حاطط (روج) ومالى خده بدره

---

الحكاية يا جماعة ايه قولولى      ليه تبادلو هى دى كانت وظيفه  
والافندى ييقى هانم لابس لولى      ييقى اأحد والا ده ييقى وظريفه

---

واللى مندوهه بسنيه تبقى حسنى      والا سيد راح يزيد له حرفه  
واللى راح يلبس ملايه ويأنسنى      واللى جوزته راح تكون حاكمه عليه

---

واللى حيرى العيال ده يبقى حرمة      واللى رح يصبح ملظظ م العقاد  
واللى رايحه تكون مراته بشكل تهمة      واللى جوزتها مهش بتجيب ولاد

---

قول على الدنيا السلام رح تبقى سيما      فصلها هزلى وشىء حايكون عجيب  
والخلايق رح تكون مشكاح ورهه      يا إلهى جل شأنك يا مجيب





# السكر

:

ياللى بتسكر . فوق كلنى سيب المزه . وسيب الكاس  
ليه ييفيدك . لما بتسكر غير تبهدل . غير تحتاس

\* \* \* \* \*

تسكر ليه يا عجوز يامهكع عمرك قرب عالتسعين  
تمشى مدروخ . تبقى عجيبه تنزلق . تنزل ف الطين

\* \* \* \* \*

ويزفوك . أولاد الحاره وانت جنابك . تبقى عريس  
سكران طينه . سكران طينه وانت بتحضن . فى الفوانيس

\* \* \* \* \*

لو قدامك . واحد ماشى من تخديرك تصدم فيه  
تشم تضرب . تبقى خناقه لما بتسكر تبقى سفيه

\* \* \* \* \*

وان كان راجل رقه وطيب برضه يقول انك سكران  
ياكل علقه وبرضك يمشى علشان ده مش وش زمان

\* \* \* \* \*

وان كان واحد وش بلاوى يتمناك تغلط وياه  
يفتح بطنك . بالسكينه فيه ابويه للسجن معا

\* \* \* \* \*

يفضل يضرب فيك ويشقلب زى الكوره فى ايد لعب  
يكسر ( قرنك ) يفتح ( مخك ) تبقى ( النعجه ) وهو ( الديب )

\*\*\*

وان ملقش خناقه تقابلك وتروح على يتكو سلم  
تفضل تطرشع ( السجاده ) وتقول ( حالا ) ( هاتو حكيم )

\*\*\*

تعمل ( ميت ) وتروح نايم ومراتك ( تفقع ) بالصوت  
تبقى فى حاله وحشه تحسر بينك شبر وبين الموت

\*\*\*

وان روحت فى ليله مبدر ليه يدور ضرب القبايب  
ليه بزق ويا ولادك ولا ف جارك ليه بتعب

\*\*\*

ليه بتكسر عفش مراتك والبيت يبقى كله قزاز  
ليه بتلهل ليه بزق ليه بتقيد الفرش بجاز

\*\*\*

ظظ فى شكلك داهيه تسمك سكران طينه وشكل حمار  
ياللى بتسكر فوق كلمنى سيب المزه وسيب البار

\*\*\*

ياللى بتسكر مش بزياده بيضيع مالك فى الخماير  
يكفى فضيحه وجرسه وهيصه لو منك لندب فى بير

\*\*\*

وفر قرشك فوق يا ضلالي يكنى فضايح بين الناس  
نحسر مالك تغضب ربك ترجع له تشكى الافلاس

★ ★ ★ ★ ★

اخدم وطنك وارفع شأنه له حعيش في بلادنا عيّد  
شوف خرا المبو عال متقدم إنت العبد وهو السيد

★ ★ ★ ★ ★

صنف أجانِب سفين مالنا وف اشغالهم ناس شطار  
اللى فتح له محل بقاله واللى ف قهوه واللى ف بار

★ ★ ★ ★ ★

وانت يا مصرى تملى مهيص ترجع تشكى الفقر لمن  
نفسى أشوفك يوم متقدم نفسى أشوفك تبقى رزين

★ ★ ★ ★ ★

امتى نقاطع شرب الخمره امتى نقاطع كل فساد  
امتى حنقى عال فى بلادنا امنى حنقى ناس أجماد



# مباراة زجليه

بين أدبائى مصرى وزجال اسكندرى

## الاسكندرانى

بعد التحية والسلامات      القرن فنى من سنوات  
انا اللى مشهور فى الوقعات      ولى أقوال مختاره

ميهمنيش مصرى وصينى      فى كل واقعه تلاقنى  
والهجو ايمانى ودينى      وفى الميدان لى اداره

ميهمنيش أحسن زجال      والزجالين فى عرفى عيال  
لو فيه أديب يظهر فى الحال      حيضيع شقاره ونقاره

## المصرى

سلام نحيه ومرحبتين      الطلبة والطرطور راحوفين  
تعا اسمعوا باهل التفانين      لسكندرانى عامل غاره

هات الدوايه والقرطاس      وانقل كلامى ده للناس  
خد. م الاديب درو ألماس      واسمع وولعى سجاره

أول كلامي يا إخوان      أبدية على راجل خيـان  
آخر الزمن عامل فـان      مغرور ولا يسواش باره

---

ينظم زجل ويقول لك شيك      يقرأه سنه ويضايق فيك  
ونظمه بايخ زيه ريك      ويكلمك آل بأداره

---

## الاسكندراني

---

يا مصري وفر أقوالك      سيد انا قول عقبالك  
لازم أعـكـر لك بالك      وعندي همه وشطاره \*

---

عمرى أنا فوق الحسين      اما انت لسه مفيش ٣٠  
والفن جالك بس منين      احسن تشوف لك خـرارـه

---

## المصري

---

انا الاديب الادباتي      اسرح وارجع لمراتي  
اما انت اصلك صرمانى      قاعد على باب الحاره

---

يا سكندراني ليه بتعيب      بالعافيه عامل يعنى اديب  
سلطخ بقى دوق المراكيب      وف قرعتك والله خساره

---

ياسكندرانى شوف قى وروح ياخييه اسأل عنى  
باين عليك غاير منى من طلبتى والزماره

---

## الاسكندرانى

---

عمال تكتر وتهوش باين عليك كنت محوش  
وليه تزعق وتغلوش النار أنا وانت شراره

---

ياواد أنا برضك عمك اخيه عليك داهيه تسمك  
ياواد أنا احكبر من أمك ورد بوظه وخماره

---

## المصرى

---

\*

اخيه عليك راجل تلفان مخلول كبير شايب خرفان  
لثات كتير زي النسوان زى العجوزه الغداره

---

دنا الأديب قلى من نار اما انت قواك كله فشار  
اسأل على أنا النجار امسح كلامك بالفاره

---

شوفوا العجيه يا حبايب كل البلاوى من الشايب  
يشرب البوظه العايب ويشتم الجار والجاره

---

ويومي يصنع في اثنابه م الصبغه بس ايش نابه  
عامل زجل ودوشنا به أزجاله تشبه لبصاره


يقول أنا أحسن زجال وعندي أحسن منه عيال  
ياسكندرانى فوق أمال مال خلقتك ليه منداره

أنا الأيب وأنا النجار وعندى ياما كثير انصار  
أما انت عامل زي الفار وخلقتك عايزه عماره

وفي الحتام ربنا يهديك وإياك كلامى يأثر فيك  
لومك اشرب حمض فيك واريح الناس م العاره

ياعم ياشيخ العربان كان بس مالك بالاوزان  
وليه تقول انك فنان وانت اعمى بنضاره

وختام كلامى يا اخوانى إياك يسليكو ديوانى  
وتقولو إنظم من تانى واقول لكم هاتو سجاره



# شفاء صاحب الجلاله

مولانا الملك المعظم



ياليل ياغني - فرحان بقى من بعد مده - سهران ليالى  
سهران وقلبي - لم كان مهني علشان حبيبي - لم يهدا بالي



ادوني عودي - لجل يساعدي يا شعب يا الله - زأطط معايه  
الهم والله - د كان كايدني حب يعاندني - خاب في الرمايه




افرح واغني - اكنم جاني اخبار تفرح - وتسر قلبي  
د حظي جاني - لوحده تاني نعنش فؤادي - من بعد كربتي



صاحب الجلاله - مليك بلادي رب البريه - شفاء لشعبه  
الشعب كله - عمال ينادي يطلب سلامته - مخلص لجه



صاحب الجلاله - ألفين سلامه بالروح علشانك - اخا نقاديك  
يارب تبعد - عنا الغيامه يارب تمم - شفا المليك





## الاصدقاء

ياقلب مالك ليه بتنوح      ماقلت لك خفف نوحك  
خليت فؤادى عليل مجروح      كترت جروحي وجروحك  
ياقلبي سيك م الخلان

عاشرت ناس اشكال و الوان      ملقيتش فايده فى الاصحاب  
مفيش صداقه ولا خلان      فى العصر ده مبقاش احباب  
لو فيه حبيب يظهر ويبان

صاحبت ناس عددك يانجوم      ورجعت م الصبحه الالى  
م الغدر قطعك ياهدوم      مهما يكون تمنك غالى  
الصدق اصبح شىء عدمان

اسمع بقى اوصاف الناس      واسمع نصيحه من زجال  
الناس دى ياما وعلى اجناس      اوعلك تكون للناس ميال  
وتقول فلان صاحبي وعدلان

صديق تصاحبه وتعاشره      تبقى له مخلص وموافي  
ولو أمر بتطيع أمره      تحسب كلامه لك شافى  
وهو أشبه بالتعبان

وصديق يقول لك على سره ونخاف تقوله لمراتك  
تخاف لقولك ده يضره وهو يزم ف زاتك  
مهما تكون شهم ومنصان

---

وفيه صديق يقعد وياك يزم في فلان وفلانه  
ويزمك انت وهوا هناك الظم عنده شغلانه  
اهو الصديق ده وش لومان

---

وفيه صديق يدخل في البيت وانت جنابك مش موجود  
يقول لزوجتك انك جيت عندي وزرت الشيخ مسعود  
وكننت ماشى مع النسوان

---

وفيه صديق يقول للناس فين الماهيه بتصرفها  
وفيه صديق عنده احساس ميقولشى لو حنى عارفها  
ميقولشى زايد ولا نقصان

---

وفيه صديق يجرى لصالحك ويحب دايما يشكر فيك  
ان كنت زعلان د لصالحك بروحه لو تقبل يفديك  
الصف ده من أهل زمان

---

الاصدقاء دول على أشكال وشرحي لو اكتب حايطول  
وجود صديق مخلص د محال والصدق اصبح شيء محلول  
ولا تلاقيشي في الدنيا امان

على الصداقه قلبي حزين فين الصداقه وأراضينها  
مفيش صديق مخلص وأمين يحمي الصداقه ويرضيهها  
مطلوب صديق مطلوب خلان




آسى

يا حلو ياللى شبكت القلب يا آسى  
عذبت فكري بلحظك والقلب يآسى  
والدمع راخر فضحني والعزول آسى  
مكتوب عليه اعشق جميل ياناس خفه  
يسقيني كاس الغرام والغرام آسى



# صندوق الدنيا



النهارده (فكرى) رايق يا حبايب      يعنى حايكون قولى ويا كم هزار

البلد قدامى دى تشابه تياترو      يعنى سرك وفيه عجايب كل لون  
 كم تلاقى ناس فى ادوارهم بخاطرو      كم تلاقى ناس خيايه فى الفنون  
 كم تلاقى مخلصين مالهمشى نايب      كم تلاقى (محترم) ويكون (حمار)  
 النهاره فكرى رايق يا حبايب      . . . . .

ياللى ماشى فى الهوا ومعرى راسك      ياللى كاتب كمتراتو فى الزكام  
 لو صحيح (اسبور) كمان اقلع مداسك      وامشى حافى تبقي عال بطل همام  
 ليه كده ناتف حواجبك ليه يا عايب      والشذب مسكين بقت عيشته مرار  
 النهاره فكرى رايق يا حبايب      . . . . .

صنف تلاقاه بمشى فى السكه ييخلق      يعنى لما يشوف جميله رح يا كلها  
 كنت ماشى ويا زوجتى مره صدق      شفته باصص قلت كلها يا بنى كلها  
 عينه فيها بس شوف يعنى العجايب      رح يا كلها واحنا فى عز النهار  
 النهارده فكرى رايق يا حبايب      . . . . .

فيه أفندي لما يركب في الترام      يبقى ينظر للى قاعده بعين قويه  
يا أفنديه د عيب والله وحرام      بس ايه الفايده ايه يعنى المزيه  
صدقونى قلبى م الاحوال دى دايب      صدقونى قلبى م الاخلاق فى نار  
النهارده فكرى رايق يا حبايب      . . . . .

---

فيه كان راجل كبير والشعر شايب      وتلاقيه صايف شنبه وشكله نيله  
المثل يقول صحيح شايب وعايب      ليه يابونا العمر ولى وانت ما بيع  
غير كده عندى عجائب بالزكايب      اوعك تضحك والالتياؤسم الهزار  
النهارده فكرى رايق يا حبايب      . . . . .

---

فيه كان صنف تلاقيه فى السكه ماشى      زر طربوشه تلاقيه ضارب سلام  
(فص) عينه قايده من سكره طناشى      والاكاده يقول انا واحد (تمام)  
وتلاقيه مسكين فى بعضه كله سايب      من عينه بص تلاقيه يطلع شرار  
النهاره فكرى رايق يا حبايب      . . . . .

---

يمشى يتطوح ولو يحصل مصادمه      فيك ياروحى تبقى دى الليلة ضلام  
(بضربك) (حتضربه) حتبقى زحمه      ويبقى ده زى القتيل من غير كلام  
تبقى محتار فى المصيه والنوايب      خللى بالك لما تبقى جنب بار  
النهارده فكرى رايق يا حبايب      . . . . .

---

خشو بینا فی العجز جز خشو بینا      الی خطه بودره تشبه للعجین  
 بس انا خایف (باشوشو) تفتینا      قلبی ده لما رأ کی صار حزین  
 یاعجز جز إئتوا اسباب النوایب      یاللی توعی لما کان حکم البهار  
 النهارده ففکری رایق یاحباب      . . . . .

لیه کده (یاسی) رافعه الجلایه      غطی للشبان یاحلوه یخطف وکی  
 غطی ألا قلبی حیکبش علی      غطی یاللی أبونا آدم کان أخوکی  
 فین سناتک لیہ یاعره الطقم سایب      حوشی عینک حوشی الاقزازها طار  
 النهارده ففکری رایق یاحباب      . . . . .

غیر کده فیہ صنف ثانی شایله عندی      فیہ عجايز آل و غاویین الجواز  
 لو اطول یاناس أنا احکم فی البلدی      کنت الملهم وأحرقهم بجماز  
 کنت انظف البلدمن دی الکآبیب      لجل غزلاتنا ما یبقاهم بازار  
 النهارده ففکری رایق یاحباب      . . . . .

فیہ کهان غزلان وأحیه من عیونهم      لما تنظر تلقی (فکری) عقلة غاب  
 کم کتبت وکم غلبت انی ألومهم      لما سهم العین فی قلبی جه وصاب  
 نظره واحده عقلی شات منی غایب      قلبی مسکین انجرح اصبح فی نار  
 النهارده ففکری رایق یاحباب      یعنی حایکون قولی ویا کم هزار

## آخر طرز

يا أهل البلد شفنا العجب شفناه في صوره مكبره  
صبحنا نبكى ع الأدب أخلاقنا صارت مسخره

أخلاقنا مالها اتقهقرت يادى الفضيحه والندم  
مال الرزيله اتشمرت مال الأدب اصبح عدم

يا بن البلد ليه كل ده يا بن البلد ايه الخبر  
ناقف حواجبك ليه كده اما الشنب !! مالوش أثر

والبودره ليه بتحطها وليه تغير خلقتك  
احمر شفايفك ابها خدك يشابه ابلك

وازاى تعاكس فى البنات شكلك غريب لفظك عجب  
د بكره حنشوف سيدات (بدقن) يا واد (وبشنب)

يا بن البلد فتح عينك شوف الامم شوف الشباب  
وشوف بلادك بتناديك العقل فين يامصرى غاب

واتى ياهانم مش كده معلوم ولازم انتقد  
افدى ولا سيده وبنت اتى أو ولد

---

كفاه ياخى نظرتك وسهام عنيكى فى قلبنا  
جل اللى رتب خلقتك جل اللى برجل عقلنا

---

(والرقص) ده ايه فايدته د شىء مخالف للأدب  
فين الخجل فين حمرة يابنت حالك صار عجب

---

ومصر من سوء بختها بتبكي والقلب انقطر  
وامنى جيعود مجدها واحنا فى مساهرو فى خطر



## على ملاحظه

### البيانيسه السكندريه المعروف

مستعد لأعطاء دروس خصوصيه للعائلات فى منازلهم وعلى  
استعداد لتلحين أى قطعة يقع عليها الاختيار من هذا الكتاب  
بما هو معهود فيه من الدقه وحسن (الذوق)  
العنوان طرف مؤلف هذا الكتاب



# نفسی ... ؟



من قبل ماتعلم زجال      أنا كنت بحلم بالأوزان  
ونفسی يوم أنظم أقوال      ونفسی . أبقی ف يوم (فنان)

---

فضلت أكتب لما عمیت      لحد ما عرفت (التفاعیل)  
بالجمعه أفضل جوه البیت      والنشر با بیخ دمه تقیل ..

---

نفسی فی يوم ألقى كلامی      فی صدر أحسنها (مجله)  
وفی یظهر ومقامی      لأنی موش زجال قله ؟

---

ونفسی يوم أصدر جورنال      وتكون أدارته ف أملاکی  
ونفسی أصبح شاعر عال      أضحك الی یكون باکی !

---

ونفسی آكل بقلاوه      ونفسی فی أکله نیفه  
ونفسی بطیخه نقاوه      ویكون تمنها ... تعریفه !

---

ونفسی أركب طیاره      زبلن ؟ یكون أصغر منها  
أسوقها وحدی بهـاره      وتكون عجیبه ف تـکونینا

---

ونفسی آشوف جیبی ملیان      ذهب وفضه ومعی  
ونفسی (رزہ) (لعم) فلان؟      واظہر لہ عیہ الی (نحی)

---

ونفسی یقی لی عمارہ      مافیش مثیلا ف امریکا  
(أسانسیرات) ویا إدارہ      عمارہ وتكون (أتیکا)

---

ویکون کمان جنبها بستان      وفیه فواکہ علی کیفی  
فی آی ساعہ اطلب رمان      بطیخ حکمان شتوی وصیفی

---

ونفسی أتجوز واحده      ویکون جمالها ربانی  
وتکون ماتعرفش مناهده      فقیرہ وتکون تہوانی

---

ونفسی فی حبۃ قوہ      عشان حماۃ تہوش  
لو فیہ عراق ابقی فتوہ      وابقی أشوح وأغلوش

---

ونفسی أعمل أدباتی      بطلہ واظہر أوزانی  
واغنی واظہر فی حاجاتی      والناس جمیعہا تہوانی

---



## حكاية ..

يا لى انت بدك تبقى سعيد    إسمع حكاية من زجال  
واعرف بأن القول دا أكيد    وافتح ودانك للأقوال

السعد ده أصله الأخلاص    مادمت (مخلص) تبقى سعيد  
وان كان بقى واحد هجاص    السعد عنه يبقى بعيد

كان لى صاحب عال وأمير    لكن فقير خالص دقه  
ولى صاحب مالى كبير    ظريف قوى مهنم (رقه)

والمال ده أكبر بصااص    حواجه تتكلم وعنيه  
ولما بمشى تقول رقااص    قيافه خالص واد (جنتيه)

القصد يوم أهله لموه    وجوزوه وبقالك عال ..  
كان الغرض علشان يحموه    من الفساد من كل ضلال

صاحبنا ده اتمتع له يومين    وريمه — رجعت لعاداتها  
عشق بدال الواحد ٢ ؟    عروسته إيه بقى .. فايدتها

وفيه مثل من أهل زمان خليه في بالك واعمل ييه  
قالوا (الحيطان دي لها أودان) قالوا لعروسة سيدنا اليه

---

دقت خناقه ويا طلاق عروسته راحت منه فاشوش  
مدام صاحبنا بطل عشاق معلوم عروسته ماتجبوش ؟

---

لو كان ده مخلص لمراته السعد كان بينهم . . . ولف  
وعاش سعيد كل حياته وكان كان منها (يخلف)

---

وأمه ماتت ويا أبوه وضيع الورث ف شهرين  
تعالوا دلوقت وشوفوه صبح فطيع حاله بالين

---

أما الفقير إسمع عنه ربك عطاء شغله بسيطه  
وحط في الأعمال فنه مافيش غرام ولا فيش زيطة

---

مده بسيطه وانجوز واحده فقيره من توبه  
صبح مكرم متمزز في فرحه وياه و(كروبه)

---

الزوجه كان اخلاصها غريب      والزوج كان مخلص وأمين  
عشتها وياه      بالترتيب ؟      والوفر دايما ولا فيش دين

---

ويوم في يوم بقى يتقدم      لما صبح ، راجل مال  
صبح شياكه      ومنهم      وزوجته صبحت في العال

---

أن كنت بدك تبقى سعيد      أخلص نمللى لكل الناس . .  
وحب مصرك برضه يفيد      وحب (وفدك) و (النحاس)



## الموسيقى البارع الاستاذ محمد عبد الحميد

مستعد لاعطاء دروس بيانو سماعى وبالنوتة  
ومبيع ومشتري بيانات بأسعار معتدله يخابر بعنوان شارع  
الرفاعى رقم ٢ الباب الجديد اسكندريه

# خروف العيد ??

لحنه ووقعه على البيانو من نغمة الرصد الأستاذ محمد عبد الحميد



أمبارح العصر مراني قالت جارتنا جالها خروف  
عمال بمأماً وهاتى تعالى .. بص يا جوزى وشوف  
فقال لى عقلى ماتنبصش ! ؟  
(وان كنت) تهجص ماتدقش !

بصيت لقيت واحده زارتنا وقالت لها ازاي الأحوال  
وليه قطعتى - زيارتنا جينا خروف أمبارح عال  
من سيرته كنت راح اتابش  
وقال لى عقلى ماتدقش

الضيفه نزلت ووراهما نزلت بشويش . . . اتسحب  
ومراني بتشوف (بقفاها) بقيت عدوك . . . متلهب  
عارفها يعنى ما بترقش  
وبرضه ناوى ما أدقش

مسكتنى من غند قفايه باقيت لك أشبه للأرب  
 عملت خنقه ويايه قالت لى مش عيب تهرب  
 فضلت تقرص وتخرش  
 وبرضه ؟ ساكت مابدقش

---

فضلت أبكى بدموعى عشان مراتى عايزه خروف  
 بمقشه كسرت لى ضلوعى عميت يا عالم مش راح اشوف  
 عماله تضرب وتهيش  
 واتوا عارفين مابدقش

---


نزلت ابحت على خرفان وجيى خالى النقدية  
 مافيش خروف ميت غدمان نعمل عليه التسقيه ؟  
 يافقر - ليه بقى ماترئش  
 مدام عارفنى مابدقش

---

يا ابو العيون العسليه دى (( ليتك )) حلوه وضانى  
 يا ابو القرون الملويه والله (( الكلاوى )) وحشانى  
 وعندى أبدا ماتخسش  
 ع الاكل عارف ؟ مابدقش

---

ما فیش فلوس والعید جانی و منین اُجیب لولادی خروف  
امتی حاینصفنی زمانی واجیب خروف والناس حاتشوف  
خروف حمار شیء مایهمش  
فرفش وأسمع - ماتدقش



## فکاهه



افندی (مصری) راح فی رشید عشان یتفسح له یومین  
وقصدہ یضحک ویفرش لأن أهل رشید عاقلین

وف مره کان ماشی عطشان وشاف (رشیدی) وعرفه لیب  
فقال میه من فضلك سقاء بدال المیه (حلیب)

المصری قال یاسلام یاسلام (لبن) بدال (المیه) د لیه  
قال له الرشیدی اتیل کان (بورص) یا اهل واقع فیه





# صديق !

كُتبت ياما بالزجل رثيت كثير أهل الوفا  
من بعدهم ما فيش أمل قل الوداد قل الصفا

وكنتم الأصحاب حريص والصدق دائي ومذهبي  
وبنحني ليه رايح فطيس وحظي م الأصحاب (غبي!)

والدهر يوم جاد لي بصديق راجل كبير عال (محترم)  
عزيته أكثر م الشقيق وقلت دا الدهر ابتسم ؟

مرت علينا كثير شهور والود حافظ مركزه  
وكنا دائما في سرور أكثر ما كنت - معززه

وفيو يوم ما جاش صاحبي الأمين وكنت أنا في حالة مرض  
وسألت عنه . . . مرتين أتاري تأخيره (لغرض)

القصد (خفيت) والسلام بعد المرض واللى جري  
وعرفت من مصدر تمام أسرار كثير . . . متبعتره

وجاني صاحبي بعدها قال لي سلامتك يا أديب  
قلت المرض راح وانتهى عندي عتاب لك يا حبيب

---

قال ياترى إيه الخبر قلت اللي قلته - للجيران  
بتبوح به ليه يامعتبر وتحلى أسرارنا تيان ...

---

بصيت لاقيت وشه انقلب أصفر وعينه غربت  
وشكله اعجب م العجب مفاصله رخره انكهربت

---

شفافيه لعبت بالشناب واشنابه تشبه (جنبرى)  
ومن كسوفه عقله غاب لوكانش عيب دا كان جرى

---

القصد خد بعضه ومشى من غير دفاع من غير سلام  
أثبت تمام أنه (وشى) أثبت بأن القول تمام ..


---

بكيت على خللى الأمين بكيت على قلة صديق ...  
قولولى بس اشكى لمن ياناس أنا فى همى غربى

---

ككتبت ياما بالزجل رثيت كثير أهل الصفا  
من بعدهم مافيش أمل قل الوداد . . قل الوفا ؟

---



# جيش الشحاتين ؟

أنا من زمان بدى اتكلم      وبدى اقول ع اللى ف بالى  
وحظى ده ياسلام سلم      خلانى فى همومى آلالى ؟ !

فى الراديو بدى احكى لكلم      ع اللى قالقنى ودايدنى . .  
وشدوا ويابه حيلكم      ياخوانا مين بس يفيدنى ؟  
المصرى لسه ح يتعلم      خلاص رح افتح اقوالى .  
أنا من زمان . . . . .

تعالوا صحبه تمشى      وبعينكوا ح تشوفوا العله  
أمراض وفينا بتنفشى      وعندى ميت ألف أدله  
للشحاتين عندى معلم      وماله أكثر من مالى !!  
أنا من زمان . . . . .

وان كنت ح تصلى فى جامع      تلاقى له حراس ع الباب  
دول شحاتين جل الصانع      أشكال تخوف ناس شباب  
وده يقف لك ويتلم      وده يشدك طوالى  
أنا من زمان . . . . .

بالطبع راح تدى لشحات ومراته . وامه . وأولاده  
تبصر تلقى جت طيفات عيل وأهله واجداده ؟  
ومش ح تقدر تتكلم وفين ح تهرب ياغزالي . .  
انا من زمان . . . . .

---

ازاي بقى نصلى جماعه وفيه جيوش جوه الجامع  
وتلحمه عال وشجاعه فين البوليس ولا هوش سامع  
دا الهيش فى البدله معلم والجزمه منهم بتلالى . .  
أنا من زمان . . . . .

---

والادهى آل عاملين رابطه وفيه رئيس يجمع ما لهم  
عاشين أوانطه فى أوانطه شفنا العجب من احوالهم  
ولا بيمته بس ح تتألم ؟ ياسى البوليس نظره امالى  
أنا من زمان . . . . .

---

ان كان علينا مش حاجه برضه احنا نقدر نستحمل  
يمكن فى يوم زارنا خواجه فى العره دول بقى يتأمل !!  
ويروح بلاده ويتكلم . . ومنين مقامنا يكون على  
أنا من زمان . . . . .

---

نهایتہ سیدوا الطیفادی    اهو البولیس واخذ باله  
تعالوا نمشی النجیادی    آدی السبارس وعیاله  
شوف الی ماشی یللم    والی جمع له کوم عالی  
أنا من زمان . . . . .

---

فی کل حته تلاقیم    والکوز معلق فی ایدیهم  
ومسرحینهم أهالیهم    شوفوا العاص مالی عینهم  
والطفل من جوعه مبلم    وکوزه م الاعقاب خالی  
أنا من زمان . . . . .

---

وان كنت قاعد علی قهوه    وعلی کرسی حطیت الطربوش  
فی عبه یاخده علی سهوه    وتبص طبعاما تلاقیهوش !!  
اتیقظ أحسن واتعلم    واسمع وشوف الی جرای ؟  
أنا من زمان . . . . .

---

وللسبارس تلقی تجار    ومن العجیب تبقی تجاره  
ویتاجروا فیها لیل ونهار    تجاره مش عایزه شطاره  
ورأس مالها الی یلملم    ومصر منهم بتلالی  
أنا من زمان . . . . .

---

اشمعى يعنى مفيش فى بارس      نجاره دون زى بلادنا  
 ولا شحاتين ولا فيه مهاويس      ولا لمامين زى ولادنا  
 يامصرى امتح تتعلم      وتبقى دائما فى العالى ؟  
 انا من زمان . . . . .

ليه الحكومه ساياهم      ليه الملاجه موجوده  
 يا حكومه ليه كذا نسيام      دول لطلعه وف وشنا سوده  
 خلى البوليس ياخنى ( يلبس )      دول عره فى الوقت الحالى  
 انا من زمان بدى اتكلم      وبدى اقول ع اللى فى بالى  
 وحظى ده ياسلام سلم      خلانى فى همومى الالى



## فكاهه

واحد افندى - اتجوز واحده      موزه ورقه - عال واسبور  
 يكنس بمسح - يطبخ يغسل      يعنى يخللى - البيت بنور  
 كان يينظف - يوم واتاخر      خلا الهانم - مسكت فيه  
 نحت السفره - راح لك داخل      فضلت تضرب - فيه وتأذيه  
 كلك علقه - سخنه مليحه      صار لك يشبه للمجنون  
 ويزعق ويقول لمراته      من ده يومانى الضرب يكون

# اشمعنى ؟ . .

اشمعنى كله شعيه يعرفها صغير وكبير  
فى المعنى تلقاها قويه مش عاوزه شرح وتفسير

اشمعنى

بسمعها تمللى الكلمادى مشهوره ودايما تعداد  
مشهوره كان عند اولادى البنت تقولها والواد

اشمعنى

اشمعنى يابابا بتفسح فى (نجاة) وسابنى فى البيت  
وانا مالى انا بدى اتمرجح عيطت امبارح طقيت

اشمعنى

فيه واحد دايما يصلى والقصد يعبد مولاه  
اشمعنى د رزقه يوالى اشمعنى الامراض لحقاه

اشمعنى

والبنت العمشه بتتجوز وجابولها جهازها من العال  
وبتغضب آل ايه وتبوز والحلوه ليه بختها مال

اشمعنى

والوحشه ليه جوزها كويس وخفيف مهندم وظريف  
والخلوه ليه جوزها متيس بالطيف الحقنا بالطيف

اشمعنى

والبأف الدون اللى يسكر مش عارف قيمة التقديه  
اشمعنى الارزاق له تكثر والازمه ليه حطه على

اشمعنى

واشمعنى القاتل يتبرأ وبريء فى السجن يحطوه  
واشمعنى سى خيبث ييارأ واشمعنى العالى يوطوه

اشمعنى

\*

واشمعنى الهلس يترقى والادب العالى بينداس  
واشمعنى التفاح بالوقه انا عاوز وقه ( الماس )

اشمعنى

اشمعنى اشمعنى اشمعنى اشمعنى بقى ماشمعناشى  
الدنيا ماهيش حاتساعنا محسوبكوا كان ميسعهاشى

اشمعنى





# مسرح الاخلاق



اسمع زجل خفه ف خفه      ان كنت الازجال مشتاق  
مركب هنا مالهش دفه      مسرح وسيا للاخلاق  
منها دموعی راق فوق راق

الدنيا دی مسرح تمثيل      والكل يمثّل ادوار  
فيها روايات من نوع «تغفيل»      يمثّلوها ناس أشرار  
ميعرفوش جنبه من نار

كم من وصی على مال ایتام      خان الوصايا (وسف) المال  
فی شرعی ده حقه الاعدام      افعاله دی افعال انزال

\*

منها الیتیم شاف الاهوال

وكم غنی راح ماله فاشوش      ليله نهاره ف خماره  
المال ده اصله متعبوش      جاهل وعاملها شطاره  
والفقر جاله بمهارة

وكم غنی بيزکی وعال      ويواسی كل يتيم وفقير  
وكل يوم يزداد المال      من اقتصاده مع التدبير  
سعيد فی عرف الناس وأمير

\*

واللی یعشق قد ( امه )  
 واللی بتعشق شاب صغیر  
 قولو معایه الله یسمه  
 وقولوها ترمی روحاف بیر  
 أحسن دا عار بالذمه کبیر

واللی یسترك أولاده  
 ویحب واحده ( جرسونه )  
 بهلك مكاسبه وإیراده  
 علی واحده جیفه و ( ملعونه )  
 وزوجته رقه ومصونه

واللی بیدقی معاه المال  
 وحده ییوت وحده اموال  
 وطقته ( بصله ورغیف )  
 ولدایرته جایب ( صریف )

\* واللی تلاقیه ییحب اتنین \*  
 وجیوبه ع الخالی نافدین  
 (وخالی) مهنه ووظیفه  
 وعاشقلى (توته. وظریفه)  
 وحالته عره وسخیفه

واللی خاطبها فلان وفلان  
 وجالها بالجله ( عرسان )  
 اصحاب وظایف ویا مقام  
 رفضت ویعنی رفض تمام  
 وعاشقه واد صایع (شمام)

وغیر کده (عندى اصناف)  
 اخلاقنا محتاجه لانصاف  
 وفیه عجایب (وغرایب )  
 ما بین شباب وما بین شایب  
 انا قلبی منها صبح دایب

# دولاب العجايب



بدى احدى لكم حكاية      بدى اشكى من العادات  
بس خليك معايه      ياشبابنا      ويابنات

---

عندي فيه دولاب عجايب      بص واتفرج وشوف  
واوعى قلبك يبقى دايب      ولا يحصل لك كسوف

---

كان زمان فيه انسانيه      والوفاء      مالى الضمير  
كان يخاف الجار على      وف غياي      كان يغير

---

لما كان يحصل الجارى      اى طارىء      كنت اعينه  
كنت احافظ كنت اداري      كنت اهين      اللى يهينه

---

لما ربى ينادى واحد      كلنا      نحزن      عليه  
كلنا كان يد (واحد)      كلنا      كنا      نواسيه

---

كان كمان الخير زياده      والوجوه      مليانه      نور  
بالصلاح      ويا العباده      كانت      الايام      سرور

---

بص وانفرج كمالهم من ادب لما لفضيله  
شوف زماننا من زمانهم تلقى احوال مش جميله

---

في الزمن ده بيت صغير تلقى فيه احزان ومغنى  
شىء يخنن شىء يحير شىء صحيح مالهش معنى

---

والشقيق يقتل شقيقه لجل يورث مال أبوه  
والصديق يبخون صديقه والوداد راخر سابوه

---

الولد ليه يضرب امه في الزمن ده الحال خطير  
وتلاقيه ساقط في عليه دمه ساقع لم يغير

---

\*

وتلاقيه يشرب سيجاره وينجمص قدام أبوه  
قول على الاخلاق بيصاره لوى ع اللى عودوه

---

الكبير يشرب في خمره ليه ويعطى للعيال  
ليه ييغرق في المقامره لما حاله يبقى حال

---

ليه يا والده سايبه دارك دايره من ميت لزار  
فين كرامتك فين شعورك واحنا في عز المرار

---

لما رب البيت يطبل مين يلوم رقص العيال  
ليه ياروحى ليه تهبل خلى ذكراك تبقى عال

---

فيه كمان عندي عجائب غير كده اصناف كثير  
بس قلبي منها دايب قلبي منها يستجير

---

عنى ع الاخلاق بتبكي دمعى ع الاخلاق غزير  
فوق يامصرى لمين رح اشكى (فكرى) منك رح بطير

---

يا الاهى احفظ بلادى من العوازل والحسود  
خللينا نكيد الاعادى خللنا بالخير نسود

---

يظهر قريباً الجزء الثانى

اِنْجَبَّ الْاَوْصَالُ  
السيد عبد الغنى شط

وهى مجموعة أزجال عصره . ادبيه . فكاويه . وترقبوها

# مظالم الأبناء



في عصرنا عصر الهم كل الأمم متنوره  
 وإحنا من دون الأمم اخلاقنا له متأخره  
 والشرع له حكمه عدم في صورته ظاهره مكبره  
 والحق له يتنا أنعدم وله صبحنا معيره

من صديق لكن نبيل مشهور بحلمه والكرم  
 رقه وجنتلان جميل وكل أقواله حكم \*  
 ده في الأدب مالوش مثيل لكن بقى خالى النعم  
 معنى الكلام ماله قليل فقير مالوش قصر وخدم

له عم لكن عنده مال مشهور بيخله وشده  
 وصاحب جاني ف يوم وقال لأنه خاطب نجلته  
 وفي الخطوبه له امال كان وظاهر همته  
 قلبه لبنت العم (مال) صارت حياته ومهجته

الحب زاد بين القلوب والكل يحلم بالآمل  
والحب ده خالى العيوب د حب ممزوج بالحجل  
والقلب من فرحه فطروب والفكر من وجده انشغل  
وقلبها قرب يدوب وقلبه للحب امثل

---

وعمه مبسوط مش فقير وعنده دأ حب الظهور  
جت له خطوبه من شهير للبننت فى مجلس (خمر)  
قبض لك المهر الكبير وقال لصاحي يالله غور  
انت ولد كسلان حقير دى بنتى دى بعمر ك ياطور

---

قال الولد ياعمى عيب حرام تفرق شملنا  
ازاى كده تختار نسيب وازاى حتركنى أنا  
ابويا مات وانت الحبيب وليه تسبب ذلنا  
فعلك ياعمى ده غريب جنايه دى منك لنا

---

والبننت قالت ليه كده لازم جوازي برغبتى  
انا حبيبي هو ده واجب يكون من قسمتى  
ولا اعيش متنكده كان وأحرق جتنى  
ليه تبقى عيشتى مهدده واعيش ذليله ف دنيتى

---

ابوها قال متخرفيش يا بنت لمى كلمتك  
 صحيح قبيحه متخشيش اخيه على تربيتك  
 هس اخرسى متكتريش ولا اقطع جتتك  
 بنات كده عندى مفيش سيك من اللي ف نيتك

---

مضى على القول اسبوعين وبعدها كتبوا الكتاب  
 وصاحبي قلبه صار حزين عيشته بقت زى الهباب  
 اما آمال صابها الانين والعقل فارقها وغاب  
 وجوزها شكل الشياطين اسود ويشبه للغراب

---

\* عاشت وكارهه سحنته ولحكم بابا سلمت \*  
 حفظت لابوها سمعته وف عيشة البؤس ارتمت  
 ياريت مكانت طاوعته ياريتها كانت ولولت  
 كان ارنجع عن فعلته وكانت نفسه اتهدبت

---

القصد فات جملة سنين والبنات صابره ع النكد  
 فوآدها دايمًا كان حزين وكان مسليها (الولد)  
 وجوزها ده جبار لعين وصيته شايع فى البلد  
 عجوز ولا يعرفش دين له سيآت مالهش عدد

---



يشرب خمور يلعب قمار      ليلاتي يحضر في الصباح  
تسأل عليه في كل بار      تلقى عشائه الكيف مباح  
والبنت صابره عالمراة      حيلتها إيه غير النواح  
وكل يوم يحصل شجار      وقلبها مليون جراح

---

في ليله زاد فيها الكدر      بالجاز وقادت نفسها  
وفي البلد شاع الخبر      وراح شباهها وانتهى  
وصاحي من مده انتحر      خانه زمانه ف حبها  
راحوا الحيين دول هدر      دى جنايه ولين أصلها

---

\*      له الأدب حظه قليل      له الأدب حاله عجب \*  
راحت قتيله وراح قتيل      لتين ضحيه للأدب  
عمر الرذيله له طويل      لما الفضيله بتحتجب  
على الأدب ياد معى سيل      واياك يهذبنا السبب

---

## مطبعة القطر المصرى

بشارع راس التين رقم ٢٤ بعمارة بوسته الميدان  
استعداد تام لطبع عموم المطبوعات  
كتب . مجلات . اشغال تجاريه . بكافة اللغات

# خواطری بربری



هاتی التمبره یابختیه	وانده مرجانه وائمان
العمر بتای راه یهلص	ولا فیش ولا لیلہ فرحان
ونملی مهسوبکوا مبوز	والصه بتاوه آیان
وهواجه بتای راه سافر	قال یانی عامل زالان
ان شا الله انه د میرجع	د هواجه بأف وهیان
أنا آوز خدمه یکون مصری	والخدمه یکون للآوطان
هاتی التمبره یابکیتیه	واندهی مرجانه وائمان
یابکیتیه غنی ویایه	قول مان امان امان مان
یالیل الله الله الله	یازمان یازمانی یازمان
ونا ماشی مره بنتفسه	فی السکه مونی فرهان
ولابس لك مرکوبی الاهمر	طربوشی کان دی مرجان
جابلتی واحده صایدیه	وعنیها زی الغزلان
یاهلاوة بلغتها الفاسی	خلخال بتاها رنان
الفکر بتای راه منی	وبجیت لك دایر هیران
ناولینی التمبره یابکیتیه	وتآلی غنی الالهان
فضلت لك ماشیه بتمخطر	ونا اقول لها مالک تغلان

متردى عليه ياهياتى هدامك والله أتمان  
 بصت وقالت لى اتبيل (اشخم) امشى ياخيان  
 بصيت لحنكها ولجيت د أجيه والله وخربان  
 ولا فيش يانى ولا سنه دي أجوزه مالهاس اسنان  
 وغيه الأيض راه اهمر هطيت لك ديل طيران  
 هرمت نبصص وهياتك دنا ارمه وهالص حكيان  
 ناولينى التمبره يابجته غنى لى قوامك ألهان  
 انا آوز خدمه يكون مسرى انا آوز نهدم لوطان  
 فلييا مسر المهرسه وكان فليها السودان  
 انا آوز نهدم أوطانى وآوز هريه وأمان



## هيس



هيس واضحك واوعى تكشر سيب الهم وهو يسيدك  
 وان كشرت الهم يجيلك يبقى تمللى من محاسيدك



# رمضان

---

رمضان ياناس هل هلاله    يا حلاوة شهر الخيرات  
العاصي بحسن افعاله    ويصلي كل الاوقات

---

رمضان يا مسلم قوم قابله    قوم قابل شهر الخيرات  
وكانه ومشمس وضب له    (وسلاطه) حضر له وهات

---

في الصبح ترتب اعمالك    وتصل وتبقى فرحان  
وتهيص وتروق بالك    يا حلاوتك يا شيخ رمضان

---

رمضان م العام للعام يحضر    ويهذب كل الضالين  
اوئك يا شيخ تبقى مكشر    من جوعك زى الصايمين

---

لو يعنى تكشر وتزرق    تتخلق على كل الناس  
من ضيفك وتمللى تشاق    أشوفك محتاس

---

د صيامك يبقى مالوش معنى    وثوابه يضيع طظ فاشوش  
رح تبقى ملعون ميت ل عنه    مينوبك غير تطلع بوش

---

ياصايم ايه معنى صيامك معناه الصبر وتهذيب  
الصوم ده حتى فى كلامك متدمش فى الناس وتعيب

---

وتجوع يا حبيبي وتجرب الفقر وحوال الجماعين  
علشان ماتحسن وتطبطب وتواسى كل المساكين

---

والفاطر ده يبقى جاهل ونجيب له كلبتنا السوده  
تنهش مصارينه ويستاهل علشان يتهذب فى العوده

---

فى السكه بمشى ويدخن ولا لوش لامله ولا دين  
يا فاطر ليه بس مفرعن فى الآخره رح تبقى حزين

---

يا فاطر يا برادة وشك أنا حتى أقولك ملعون  
يا فاطر جك دهيه فى عشتك يا فاطر - ليه - شكك دون

---

يا فاطر ليه بس بتفطر وازاى حتقابل مولاك  
الصايم شوف وشه منور أما انت كسوفك كفاك

---

لو فاطر ومريض معلشى مسكين يا حبيبي ومغذور  
اتحشم فى طريقك وامشى للصايم دمه يفور

---

لو فاطر وبصره متينه د عذابك حيكون اتين  
وفضحتك رح تبقى مشينه وح يبقى وشك في الطين

---

الصائم شوف ساعة المدفع الأكل بلذه ومسور  
يصلى ولربه يركع شوف وشه تلقاه فيه نور

---

يافاطر لو عاقل تبكى وتصوم لو عندك احساس  
رمضان ده منك رح يشكى ويكسر راسك بالفاس

---

رمضان ده شهر الثقيله رمضان ده شهر التسايح  
رمضان ده شهر العجميه رمضان ده شهر التراويح

---

يا مسلم قوم عظم شرك وابقى ادعى يعود وانت بخير  
تحيه بصيامك وبسرك على دينك امتى رح تغير

---

الفاطر انه عن فعله بلطافه ويدوق ونظام  
والجاهل انه عن جهله وصيامك حرس له تمام

---

يارب يعود رمضان تانى بالخير ع الامه المصريه  
وبلادنا دي تكون فى أمانى وف استقلال وف حريه



## بعد العید

سألونی جماعه من اصحابی وقالولی ازای تم العید  
قلت لهم بوجود أحبائی انا عندی العید ألفین عید

فقالولی ازای بس یا شاطر مبسوط و نماللی کده مزبط  
والازمه کاسره لنا الخاطر والواحد قرب حیعیط

الحق انا قلت ولیه یعنی وازای حکیلیکو علی العید  
لو أحکمی مین رح یسمعی لو یسمع ایه بس یفید

الناس بتعید بملایس و (الفتره) أشکال والوان  
وه الکحک، مشرف و مانس یا حلاوته ودایب دوبان

وف لیلۃ العید کان ویایه م العمله فیه سبعة قروش  
وقروشی مختاره معایه یا خساره کمان ما یقضوش

أنا قال لی عقلی تبات بره لو رحت البیت رح (تترن)  
وقروشی راحت فی السهره و دماغی للنوم بتون

ایه اعمل بس فی اولادی      لاهدوم ولا کحک ولا فطیره  
وأروح البیت — لا إلادی      لو رحت یخلونی (فطیره)

---

دلونی علی ای طریقہ      وأروح البیت بس وانام  
دنا أسرق لو الاقی سریقہ      لو حتی فی بلاد الشام

---

القصء نہایتہ مکتزشی      وقعدت أفکر فی الحاله  
وأسیب أولادی ازای وامشی      دی حقہ رح تبقی نداله

---

فیکرت ف حاجہ تنجینی      ملقیثی قدای خلاص  
أنا بیدی ف موته علی دینی      وأخاف لیقولوا د هجاص

---

من کتر التفسکیر سأ حالی      وبقيت لك أشبه عیان  
ونا رحت ساییها طوالی      فی السکه وعامل میتان

---

وشاویش الشارع جه یجری      وقوامک جاب لی الاسعاف  
وشالونی نایم علی ضهری      وغطونی قوامک بلحاف

---

عملو لی اللازم ونہایتہ      حطونی ف (عبر) وسریر  
وابو (فکری) سایی فی ہباتہ      والحق د کان دمعی غزیر

---



وقوامك راحوا الناس بيني لمراتي ووصفوها الحاله  
واتلعت زوجتي واخواني م(القلعه)صوات(للفجالة)

واتلوا جميعهم وزاروني والكل يبوسو في ايديه  
وانسروا ساعه ما راوني وجابولي قوامك (نقديه)


ونهايته خدوني وياهم ع البيت وبقينا ف أفرح  
«ونفدت» بروحي من «اياهم» كان (عدى العيد) يعنى وراح

\*

\*

يا اخواني اوعم تلوموني الذنب دكله على الازمه  
لوه رحت ، لكاتم شنقوني ايه يعمل عود بسف حزمه

يا إلهي من الازمه طهقنا دي أزمه ودون عمرها طال  
وبرزمة جنياهات الحفنا أو حتى بحر من المال



# غرام العجائز

رمانی زمانی فی منزل قدیم  
و شقلب کیانی و کان مستقیم

جیرانی عجز جز یحبوا الهزار  
و (لب) لب مقزقز و کل الفشار

تجینی تلاقینی لوحدی فرید  
و همی یناجینی و دهری عنید

واقول ان داری تشابه لومان  
و جارتی و جاری عجایب زمان \*

رح اشرح غرامهم و کتر الکلام  
و اقلد کلامهم و اوصف تمام

بمی علیها یاست الملاح  
و اشوفه یناجیها بسیره الکساح

و تصبح جنابها تصبح علیه  
تکثر نیابها تدمع (عنه)

تقول له يا شوشو يا شبه (الجمال)  
واشوفها تبوسو شفايف طوال

---

حلاوة خدودك دى (ورد) وجميل  
مكرمش وعودك مدهول نحيل

---

مكسح وخفه يازينة الرجال  
وتشبه (لقفه) وشكل الشوال

---

حييتك دى دايله فى حبك ياروحى  
مفاصلى دى سايله وكترت جروحى

---

\*

وليلى أفكر فى كتب الكتاب  
واشوفك مكشر ما عندك حساب

---

جاوبها صاحبنا وقال ياسلام  
حان كتب كتابنا دا يبقى منام

---

وأحظى بقربك يابدرى المنير  
طب ادعى لربك يتمم بخير

---

وليلة كتابهم ويوم الجواز  
دعوك صحابهم وجابوا الجهاز

---

تقولشی الجوازه جوازه صغار !  
وجابوا القزازه وشربو الاوتار

وقول المصيه جيرانی تمام  
دي حاجه غريبه ميعرفش انام

تدلع عريسها سعالها يزيد  
وتشكى بدروسها وايه رح يفيد

وجوزها عجييه يشكى الكساح  
دى حاله كئيبه وايله نواح

ليالى غرامهم جابت لى الهوموم  
ياناس من كلامهم مزعت الهدوم

خساره يادهرى لكنتش عنيد  
كفايه يافقرى ياشيخ روح بعيد

ما ترحم ياربى وخدم حداك  
عجز جز ياغلبى وعاملين ملاك ؟

ياترحم عذابى أعزل قوام  
ياتاخذ شبابى أنا والسلام

# سکیر ینا جی القزازه

لحنه الأستاذ محمد عبد الحمید من نغمه النہاوند

یاللی فیکى کیف یاروحى یاللی فوق الرف شایفک  
امتى افتح لك دماغک وبشفايفى المس شفايفک  
وانت حالى وانت مالى

لما یبقى الجیب معمر تلتقینى جى أجرى  
والمکباب ( بالسیخ ) محمر وانت عقلی وانت فکرى  
ربنا بحازیه محالى

\* اشتريکى روحى فیکى انت ککک عندى فايدہ  
ان نقصنى شويه احزن تبقي نار القلب فايدہ  
لو أكون م العمله خالى

لو یجینى أى صاحب یبقى عينه یاختى منك  
بدہ یشرّب م اللى فیکى ابقى ادافع برده عنک  
قصدى یعنى اقعد فى حالى

لو تغیبى عنى حبہ یبقى حالى یاختى حال  
ابقى متقریف ولاکن انت عازرا لك بحال  
انت عندى صنف غالى

انت بتردی لی روحی    انت احسن من عنیه  
لو آشوفک یوم فی جیبی    کنت اجیب المزه لی  
وابقی طالع فی العلالی

---

لو ترقی وتیجی عندی    لو اکون حتی ف بابور  
تبقی قاعده رایقه خالص    والهموم غنی تغور  
تبقی دی أسعد لیالی

---

لو فی یوم اکسب لی نمره    کنت انادی کل عیلتک  
کنت أعمل حفله حلوه    تبقی یضه والله لیلک  
حظی لیه دایر شمالی

---

\*    انت بتسینی همی    انت بتخلینی عال  
ابقی متنشش واغنی    وابقی اشوف أجمل خیال  
وابقی ماشی انشد لیالی

---

یا حیاتی    یا قزازی    امتی    تیجی    تشریفنی  
لیه جفاکی لیه یارو حی    رقی    حبه    وانصفینی  
امتی تیجی ویهدا بالی

---



# قليل البخت .. ؟

اسمع زجل كله معاني كتبه من دمعي السائل  
اثبت شقايا ف أوزاني وأرثي في البخت المائل  
علشان الناس صبحت اجناس  
والصدق انداس وصادقه مفيش  
علا التهويش  
اشكال والوان

---

ابويه أصله مدلغني ومات وسابني ونا صغير  
لاهن زماني لوغني وكثير أبات ونا متحير  
وسنين وايام وكبرت قوام  
وورثت تمام ومعايه المال  
ولا فيش أشغال  
وبقيت حيران

---

وازاي أشغل أموالى خاف تروح أموالى فاشوش  
اسمع وشوف اللي جرائى بردك معايه حاتطلع بوش  
الكذب كثير والناس بتغير  
والمال حيطير احترت ياناس  
زاد الوسواس  
ظهر الشيطان

---

حيث في يوم انشى جريده ويكون لها مستقبل عال  
وتكون قيافه ومفيده وانا اللي اكتب لها ازجال  
وعاوز يا امير هيئه تحرير  
متكونش كتير وعاوز شاعر  
ويكون ناثر  
يملا العمدان!!

---

ورحت قهوة صحافين اسأل على شاعر مرغوب  
سألت اخوانه الحاضرين قالولي نظمه يعوز مركوب  
مافيهوش ولا بيت يجمع تنكيت  
وعاوز شلاليت سيك منه  
داهيه في فنه !  
د شاعر غلبان

---

ورحت اسأل على رسام علشان يصور لي المواضيع  
لقيت مصور رقه تمام سألت قالوا د رسمه فطيع  
ونهار ميموت يرسم كتكوت  
ماسك نبوت!! شوف لك رسام  
افكاره تمام  
بلا شغل جنان

---



وكل مسأل على حاجه ألاقى تسديدها ف وشى  
 والمسأله مش . محتاجه وليه انا حاققـ قرشى  
 واخسر مالى وارجع الالى  
 طب وانا مالى ليه الجرسه  
 وليه الهوسه  
 وأرجع ندمان

---

مفیش لزوم ابقى صحافى طيب انا حافتح بقال  
 وابقى تاجر خفافى مضمون كان حايزيد المال  
 من غير تكليف اكفى خفيف!!  
 حقين بلييف !! وکان سردین!!  
 وسجق سمين  
 بسطرمه کمان !

---

اسأل على تاجر الجبنه يقولوا دى بضاعته فيها دود  
 واسأل على تاجر السمنه يقولوا ده نصاب وحسود  
 وبتاع البيض د طویل وعريض  
 خلونى حبيض أما السردین

رح اجيه مدين  
 تلفان ! تلفان !

---

بلاش کمانِ اعمل بقال !!      وافتح لی دکانِ حلوانی  
 واجیب بغاشه اُصنافِ عال      ( بسبوسه ) أوکل م الضانی !  
 ملقیتش نجار      والعیشه مرار  
 وبقیّت مختار      والمال حایضیع  
 ورح ابقی فظیع  
 واصبح عدمان

---

ادورش ایع روبا یکیا قدیم      یکن کمانِ اخسر فیها  
 معرفش اکسب ولا ملیم      آهی الی فیها مکفیها  
 ارمیش المال      واصبح مختال  
 وبلاش اُعمال      یمكن افرش  
 جبه وابرش  
 الا انا عیمان

---

مختار وقابلتی ولیه      کبیره لکن عارفانی  
 فقلت أشکی لها شویه      یمكن تصلح لی کیانی  
 وریتها المال      ضحکت فی الحال  
 قالت د جمال      عندی عروسه  
 صغار تنوسه !!  
 وتعیش فی أمان

---

قلت طیب انجوز ممکن عروسی تفتنی  
 من بعد ماكنت مبوز قلت لها طیب ورینی  
 وخدمتی ف بیت ملیان عفاریت  
 وفراخ کتاکیت وقوام کنست  
 قلعت لبست  
 احسن فستان

---

قلت لها هو انی عروسی قالت لی ایوه یانور عینی  
 فقلت أهلا وانستی عالتربه ناویه تودینی  
 سبت لها الیت ونزلت جریت  
 علی بختی بکیت البخت قلیل  
 والهم تقیل  
 حتی النسوان



## کذاب

عیشه العازب مره تحسر والمتجوز عیشه هباب  
 والله احترت یاناس بالذمه حقول متجوز ونا کذاب



## الأزمه

الدنيا حتتشقلب ودموعنا بتسيل  
جضينا ؟ ! من الأزمه  
وجيوب من غير لازمه  
وبقينا مساطيل

---

حوصف لك تفليسي واسمعي واستعجب  
انا راهن طربوشى  
فى محل (المرجوشى)  
وشويه وراح اندب

---

فى القهوه مابقعدشى ولا بقعد فى البيت؟  
ولا شغلله تنا و ينى  
ولا أكله تنا و ينى  
ولا فول من غير زيت

---

ولا فيه بدله نضيفه ولا عندى (بييون)  
وقميصى بقى كنافه  
وشرايى بقى قيافه  
فى الجزمه وممعجون

---

فین احلق دلوئی بشعوری ووساقتی  
ایه اعمال ف هدومی  
دنا بصحی من نومی  
یا خسارتک یا قیافتی

---

م لازمہ رایح اطفش رح اشوف لی بلیعه  
قربت رح اتجنن  
طب قولوا الله یحنن  
مصحننا تقلیعه

---

فی الحارہ یزفونی (یا آفندی ویا طظ)  
اطفال ولا فیش رحمہ  
ویقولوا کل (اللحمہ)  
ویقولوا سب (الرز)

---

رایح اسرح بملوحہ أو (کرشہ) و (مبار)  
ولا اسرح (بکا بوریا)  
و بطا طس و فاصولیا  
أو اکنس فی البار

---

ياحکومه يا حبيبتى ايه اعمل يا حياتى  
انا راضى بكناس  
ولا اضرب فى الناس  
ولا اعمل أدباتى

---

م الأزمه خرفنا وبقينا فى ضلال  
نجينا يا إلهى  
دى عيدك فى دواهى  
الحقنا بامتعال



## سكران

---

افندى ماشى يتسكع فى الطريق بالليل  
يقول يالىلى يا عيني عين يالىلى يالىلى  
سكران صباه ومعنى مهدود كان الحيل  
فضل يهائى ويقول أنا تمام مجدع  
ونام فى شارع يكمل لك بقيت الليل

---



# الدهر الحرون

---

عجيبه يادهر صروفك كثير      يادهر عجيبه وكلك عسير  
وعادتك تخفض مقام الأمير      وتعلی الندامه وتعلی الحقير  
وكل أحالك      يادهر سقام

---

يادهر ملون وكلك عجائب      يادهر مصايك ليه بالزكايب  
يادهر خليتي في هدومي دايب      يادهر تعاديني ما كنا حبايب  
يادهر خفف شويه الآلام

---

بعيني أشوفك بتضاضي الأديب      بتهدل يادهر من بعد المشيب  
يادهر ملاعب وحالك عجيب      يادهر خليتي في الدنيا غريب  
ودايما محمل بلاوي وخصام

---

كفاه كفايه ويكفي أنين      وفين يازماني رح ألقى معين  
ومين راح يواسي قلب الحزين      يادنيا ياحلوه انت راحه لمين  
وتاركة كآبتك للناس الكرام



# جوله . . ؟



حبیبی جماله      فاق الحد  
إن كان بواصلنی      مقولشی الحد  
وان كان بجافینی أسهر وانوح      وابقی فی آلام وهیام وجروح  
علشان الود

---

إن شفت البدر      ألقاه شیه  
ودموعی تسیل      أبقی اشکی الیه  
البدر یسبنی والاقی نهار      وآلامی تزید وجوارحی کتار  
من کثر التیه

---

تعرفشی حبیبی      یاقاریء مین !!  
أنا احب بلادی      واحب الدین  
والدین لیام دی لیه منداس      مبقاش فیہ دیانه ولا احساس  
والناس      ضالین

---



بنشوف الحانه جامعه الناس  
 وجميعهم صبحوا عيد الكاس  
 اخلاقهم صبحت دون بطاله حالتهم صارت ألغن حاله  
 مفيش احساس

---

وبشوف المسجد بس حيطان  
 ولا حد بيركم ولا أديان  
 هو احنا وجودنا عشان الشر إكمنه رزقنا نقوم تنغر  
 ف بنت الحان

---

د إلهنا خالقنا وإحنا عيد  
 وازاى العبد يعصى السيد  
 والرقص يدور والكاس وياه والحظ ف مزه وسكر عماه  
 وذنوبه تزيـد

---

مش قال لك طيعه في القرآن  
 وازاى بتخالف يا غفلان  
 اما انت حقيقى بعقل غريب وعاوزلك سنخطه وتبقى عجيب  
 ترجع ندمان

---

مش برضك بكرة حنبقى تراب  
مش قادر ربك نبقى كلاب  
أو نبقى حجاره وفينا الروح . مش فى القرآن كله مشروح  
ليه عقلك ساب

---

يا عباد يكفانا ويكفى ضلال  
مش احسن نبقى فى عيشه حلال  
قوم صلى وقوم اعبد مولاك واخدم أوطانك رخره معاك  
كان يبقى جمال

---

## شهاده

سؤال

يا فكري اسمع كلمتين خدت الشهاده من زمان  
فين الوظائف بس فین ولو وظیفه فی اللومات  
ناجح

---

الرد

الصبر أحسن باليب بالواسطه حتول المرام  
والسعد يبقى لك حبيب وتبقى عال من غير كلام

---

# الیتیم

(على نعمة بين الجنائين ونا ماشى)



ياتيم من ابويه وأمى ونا لسه صغير  
لا لى خالى ولا عمى والهـمـ كثير  
تلقانى لا يص والبرد قارص  
واروح فين يا أمير

\*

\*

من بعد لبس القطيفه ولبس الطرايش  
صبت حافى ومتوسخ وهدومى خيش  
وده يزغدىنى وده يطردنى  
من عسكرى لشاويش



والبرد ناوى يموتنى وفراشى طين  
أما الوساده دى حجاره وغطايه منين  
معرفش اسرق ولا حد يشفق  
يلعن ابو المسكين



یا الی رح تکی ولادک متصح النوم  
عن الیتیم لیه بتصهین یاعیب الشوم  
یاناس شوفونا یاناس راعونا !!  
وبناقص کام کاس روم !!

---

وکل یوم اسود من یوم وبصیره ما فیش  
یتیم یروح یتاوی أحسن أحسن میعیش  
دی عیشه تطهق وعیشه تفلق  
وکان شفقه ما فیش

---

ما فیش غنی صاحب همه یعمل معروف  
یکسی یتیم من أبوه واه لونه مخطوف  
من کتر جوعه نازله دموعه  
یاغنی اعمل معروف

---

یارب حزن قلوبهم علی کل یتیم  
واصلح لی یارب حالی وانت الی علم  
واصلح یاها دی احوال بلادی  
وانت خیر حکیم



## أخلاق وعادات



يا قلبي فضك م الغرام واعشق بلادك والوطن  
يا قلبي ايش بعد الهيام وإمتى حنوق م الوسن

---

ضيت عمرك ف الهوى راحت حياتك ف الشقا  
يا قلبي ابحت ع الدوى يا قلبي يكفاك بعزقه

---

في الحظ ضايع وقتنا ومالنا رايح في السر  
ومصر من سوء فعلنا بتبكي والقلب انفطر

---

والغرب عمال يخترع وبأخترائه يذلنا  
وإحنا فالحين في الدلع فالحين نكايد بعضنا

---

فالحين نشجع في الغريب وبنهر المصرى الصميم  
وابن الوطن يصبغ غريب وفي الوطن مالوش رحيم

---

أزاي نعيش متأخرين ومصر تبكي مجدها  
يامصرى فوق خليك فطين دا الجهل ولا واتهى

---

الأجنبي راجل عمل ان كان فتاة ولا ولد  
أما احنا فالحين في الكسل أما العلل ماهاش عدد

---

فالحين في مولد النبي نجيب (عروسه) (للولد)  
والبت (طرطور) مغربي يا حالنا يبقى في نكد

---

بالذمه ده اكبر ضرر والعاقل اللي يرتجع  
دى عاده لكن شىء خطر وتجب لأولادنا الوجع

---

وغير كده ف عيدنا الصغير فيه عاده اقبح من كده  
(الكحك) لازم والفظير! يالست تبقى منكده !!

---

بعد الصيام إزاي يكون نجلب لأنفسنا الأذى  
في الأزمه دى والمال يهون يا إمام نصبح مأوزه

---

تعالى عندى وكون جعان وكل فطير كحك وسمك  
تلاقى بطنك كاللومان أخاف عليك لأعدمك

---

وغير كده ف عيدنا الكبير لازم (خروف) ويكون (سمين)  
(السنه) ماهش بالكثير السنه حتى (بدرهمين)

---

لاكن لا بد الفشخره وكش عال يحضر قوام  
ويتنا يصبح مجزره (وقول انشا الله) كل عام

وعنها وف (أنجر كبير) (الفت) يحضر (واللحوم)  
وعيالنا والطفل الصغير ع اللحم تلقى الواد يزوم

والبيت بقى مسمط (عجيب) ومحل جزار انقلب  
ومنظر الكرشه مهيب و(الفشه) دى تحت الطلب

نبات ونصح فى الكرار نشم ربحه مقرفه  
وتلاقى أولادنا الصغار هايصين فى (حله ومغرفه)

قلب العج-وزه ينقبض والبيت ده يبقى مقبره  
والكل ينصاب بالمرض والحاله تصبح مسخره

والذكر ده إيه فايدته د شىء ميرضيش ربنا  
ياحكموه نظره ناحيته د شىء كان همسوب لنا

تلاقى نار متعلله وهباب يسدد أنقنا  
وتشوف عمائل بالبلا ناويين لفلقة مخنا

وغير كده (ياكلوا الجزم) وياكلوا (نار) ويا (الحنش)  
ويندج من غير ألم صدقنى ده كله بكش

---

وغير كده كثير عادات ينجل من الوصف القلم  
يامصرى عصر الذل فات والعصر ده عصر الهمم

---

يامصرى اسعى للامام واطرق ميدان باب العمل  
وارجع بقى مجد الكرام يامصرى يكفانا كسل

---

إمتى أشوف لك إختراع تحتاج اليه كل الأمم  
ويعود علينا الانتفاع ومصرنا ترفع علم



## هراى

---

جه الحرامى يوم فى البيت وبده يسرق فى هدموى  
بقت مراتى تذغدى بالعافيه وصحيت من نومى

---

قلت لها خليه يسرقهم عايز انام اعلمى معروف  
وهو من نفسه حيرج من شكلهم طبعا مكسوف

---





## حدوته



ح احكى لكم حدوته على واحد بتدلع  
خطبوها بال ١٠٠ آل ايه وبتمنع

اولهم كان واحد متعمم وبلاسه  
واد صبه وفتوه من عند الدراسه

راح ليلة مخطبها ومعاها حنة شومه  
بقى يخبط عالسلم وينادى الواد تومه

دخلت له النسوسه بقى يذغر حياكلها  
قال ميت نرجس ياختي هاتى ايدك اقبلها

انكادت من شكله فاكره آل ياوز  
وقالت له لافضل مش عايزه اتجوز

قام جالها عريس شامى من وارد لبنان  
دخلت له تتمخطر وبشكل الغزالان

اتجنن سى الشامى قال محلا عويناتك  
والورد على حدودك محلام وجناتك

---

واتظربن فى جمالها ورمالها الطربوش  
فقلت له لامواأخده الشامى محبوش

---

وجابولها عريس ثانى كان عمده واتمدن  
وحلقها زلبطه واتصلح واتزين

---

ولابس لك فى صوابه فى الخمسه الماظ  
وياقاريه لو شفته بالذمه حتغفاظ

---

دخلت له بقت تضحك نيتها له صافيه  
وقالت له ياسى العمده اقعد لى بـ ١٠٠ عافيه

---

والقصد فى يوم جالها فيه أربع عرسان  
أولهم كان طالع من سجن مرستان

---

والثانى كان سايب ترييه نسوان  
والثالث ده قمارتى والرابع خيان

---

ودي حلفت مهى عايزه تتجوز فى حياتها  
آهى شافت عرساتها آهى عرفت آخرتها

---

وف يوم ماشيه لمحها عبد اسود تفتون  
قام راح باعت عيلته زربونه وزربون

---

عروستنا بقت تضحك عالبحث المسود  
قعدت لك وباهم تنفرج وتعد !!

---

البيت اصبح بوظه وورطانهم اشكال  
كرشتهم صاحبنا بقوا شبه بعزال

---

وشويه وخطبها واد رقه ومتخلف  
دخلت له المضروبه بقى قاعد يتفلسف

---

ويجب من افريقيا وبودى المريخ  
الناس مش عاجينه بقى نازل تسبيخ


---

وعنيه فى النضاره مذبوط قرشين صاغ  
وف ودنه وقالت له يكفاك قلب دماغ

---

وخطبها واد جتتل ومفلس كحيان  
ولا بابا ولا ماما ولا دوشته نسوان

رضيت به المزغوده وشربنا الشربات  
وعاشولك في سعاده وتبات ونبات



## الورد

\* يا حلاوة الورد ظاهر فوق غصونه بلون جميل  
شكله يسي كل ناظر والشذا يشفى العليل

لما شفت الورد فتح قلبي اصبح في انشغال  
والفؤاد من وجده صرح إن ناره في اشتعال

بس ليه يا ورد شفتك وانت لون خد الحبيب  
رح يكون ايه لو قطفتك غير تزيد النار لهيب



## معلوم

معلوم اذا كان الواحد      حيلس مش رح ينفع  
معلوم الدين راح يكثر      معلوم وما هش يدفع  
معلوم و كان معلوم

---

معلوم الواحد يجرى      لو يلقي واحده جيـله  
ويتضحك ويتدهله      معلوم رح يصبح نيـله  
معلوم و كان معلوم

---

معلوم اضحك وافرش      لوفيه ميت الف جنيه  
تبقى الجمالات حواله      معلوم واسوق التيه ١ ;  
معلوم و كان معلوم

---

معلوم ادبك ف سنانك      يا عيط استفهم منى  
اذا كان تسكر وتكثر      م الباب للطاق تشمنى  
معلوم و كان معلوم

---

معلوم اضحك على شكلك      لو اشوف زرك قدام  
وجيوبك طالعه لبره      والياقه ضاربه سلام  
معلوم و كان معلوم

---

معلوم مش عايز اتجوز مصبحت ياناس كحيان  
مين بس حتتجوزنى ونا واد زجال عدمان

معلوم وڪمان معلوم

معلوم رح اقول فى الراديو وإدارته متعرفنيس  
معلوم والناس رح تسمع ازجالى ولا تشوفنيس

معلوم وڪمان معلوم

معلوم رايح اشخط فيكم مين رح يقدر يضربنى  
هس اسكت انت وهوه مين رح يقدر يعا تبنى

معلوم وڪمان معلوم

معلوم طبعاً رح تضحك لو شفت خروف بقرون  
ولا بس ياقه وجرفته ويمأماً فى التليفون

معلوم وڪمان معلوم

معلوم الحلو احبه والحلو ياناس محبوب  
معلوم طبعاً حتقولوا دخيف والله المضروب

معلوم وڪمان معلوم



## مسكينه - ومسكين .. ؟

مسكين الى خلف ويكون له صغير  
الهم ح يلزق له ويبسات لك متحير

مسكينه الى بتعشق وبترهن في مصاعها  
وحبيها يفلعص !! ويرقع في اصداغها

مسكين المتوظف لو يبقى مديون  
والاش لو اتجوز رح يصبح مجنون

مسكينه التنوسه لو جوزها يكون (شايب)  
ويكون اهتم عره ولسانه يكون (سايب)

مسكين الى بيعشق وجيه يحافيه  
لو راح غرق نفسه مين رح يسأل فيه

مسكينه ومسكينه الى بتاخذ سكار  
ويهلل في الشارع والليل يفي نهار

مسكين الزوج والله لو زوجته الا موده  
تعايق في السكه واحوال البيت سوده

ممكنه الى بتولد في المره اثنين  
وتكون حالة جوزها متعوسه وبالبن

ممكن المتعلم بشهادته وعلومه  
لو يقعد في القهوه والناس تبقى تلومه

ممكنه الى بتعشق الشاب الفيلسان  
وتملى بيلفها تنفر وتهان

ممكن الفكمان الى يقعد بمجوعص  
لو جمعه مبيعشى رح يطلع بلبوص

ممكنه ام غوايش واساور وهدوم  
لو نمله بتخروش رح تصحى م النوم

ممكن سيدنا العمده الى ييجى معاه مال  
ويطلع محفظه قدام النشال

ممكنه يابلادى فين راح استقلالك  
لو كان راخر جك من مده كان جالك





## التقاريط

ماكدت اعلن عن ظهور ديوان ازجالى حتى عم السرور فى قلوب  
اخوانى الزجالين المحترمين ففضلوا على هذه الدرر الغاليه

هذا تقريظ صديقى الزجال النابغ وفخر زجالى الاسكندريه الاستاذ  
( ابو فراج ) فرج السيد فرج قال لآحرمتنا الله من عطفه

يازهر فتح فى حياضك وميل وبالعبير عطر نسيم الصباح  
( فكرى ) الأديب اظهر ديوانه الجميل مليان تحف زادت صدورنا اشراح

يافكرى مين زيك بفته اشهر زجال رقيق ساحرو ( هجوك ) لهب  
ولك كلام من بحر فنك ظهر لؤلؤ جميل منظوم فى اسلاك ذهب

( ريشتك ) لها الحان سرت فى القلوب وصفحتك فى الفن تشبه ( لعود )  
سطورها من اتار بتطرب شعوب غطت على العيدان ومزمار داود

فن الأدب من وجده ييك خلدك لما سكبت السحر فيه والبيان  
وان كان ( عدولك ) فى الزجل قلدك فيه فرق بين ( بلبل ) وبين بغبان



وتفضل على شقيقى العزيز الاستاذ الرقيق ابراهيم افندى فكرى  
واهدانى هذا التقريظ البالغ قال لافض فوه

مين زى فكرى ف ازجاله فن الزجل فنه الغالى  
غذى القوافى بخياله ينظم جواهر ولآلى

ازجاله رقه ومقونه وحكها معنى وتهذيب  
قوافى صنعه وموزونه ينسر منها كل لبيب

يوصف بحير وصفه بديع ورقه بتسيل فى معانى  
الفن عنده (بسيط) (وسريع) تقرا الزجل وتعيد تانى

فى الهجو مبهوش عذال اديب (بطله) (وبطرطور)  
قريت له ياما الوان أشكال معذور فى حبه ياناس معذور!!

وله نصائح تشفى الدأ طيب بفته واقواله  
الشطره منه تقول تريباً تحب تسمع ازجاله

بدى اقول عندي زياده واخاف اقول لتقولوا اخوه  
خلى بقى التقريظ ساده واهو الديوان فى ايديكو شوفوه



وهذا تقریظ صديقي العزيز الاستاذ الزجال المبدع  
محمد كامل امين ( ابن حنظل ) قال حفظه الله

ديوانك حلو يافكرى مثال الظرف والرقه  
وحسن اللفظ والمعنى يسرق عقلنا سرقه  
ويطربنا بأنعامه

جلیل القدر ومنظم جميل الشكل خفاني  
دليل طبعاً على ذوقك دا بحر من الزجل صافي  
يسر النفس بنظامه

ملان بالنصح والحكمه درر من فنك العالی  
( مجدد ) والله ما انكرش وأزجالك دى بتحلالی  
تزيل عن قلبي ألامه

فكاهتك حلوه . بتسلى ونقدك مر . ويخوف  
ووصفك دا لطيف زيک ومدحك حلو ويشرف  
وفنك قول لی مین لامه ؟؟

ادب راقى وله معنى ماهش الفاظ ومرصوصه  
واسلوبك بديع يبسط ولك فيه نزعه مخصوصه  
تزيد فى الفن إكرامه

تعيش يافكرى وتألف وتجعل للزجل قيمه  
وتظهر فنك الراقى بفكره حلوه وسليمه  
تشيل للفن أعلامه

وجادت قريحة الزجال النابغ محمود عبدالعال الكمشوشى بهذا التقريض البديع

يا فكري يا اللي نعشت الخلايق برقة نظمك الباهر يا خلى  
شجيتنا بالزجل - اما انت رايق وخفه وهمتك ظاهره تملى  
وع الكل انت فايق وأزجالك تسلى  
خفيف الروح . وفوق الدوح بتطربنا بألحانك  
وتروينا يا فكري من ديوانك

سلم الذوق وألفاظك رقيقه وظرفك في الزجل والله سباني  
وأزجالك بتسحرنا بطريقه ؟ تخلى الى يبقرا يعيدها تاني  
بتنعش بالحقيقه خيال . رقه . معاني  
بتطربنا . وتعجبنا يا فكري محلا أوزانك  
سكرنا كلنا بخمرة يانك

مجدد . مبتكر . أما القوافي بتنطق بالبلاغه والحلاوه  
كلامك حلو كله شهد صافي كتابك دره والازجال تقاوه  
ومعنى اللفظ وافي وآيه فى الطلاوه  
جمال فك . قليل منك يا مخلص ويا إخوانك  
تعيش للفن يا نابغة زمانك



قال الاستاذ السيد عبد الغنى شطاحفظه الله

آدي البلاغه في المعنى يسلم يراعى ياسى فكري  
إلقى نشيدك سمعنا ح نلاقى مين زيك يدرى  
وانت كلامك كله يفيد  
ولك طريقه في التجديد  
دهشت بيها اولاد مصرك

الفن رافع اعلامه فرحان يافكري بديوانك  
رفعت فنك ومقامه يارقه يسحرني . . ييانك  
متين بديع في اسلوبك  
أقبل تماني محسوبك  
يارقه يانا بغه عصرك

وهذا تقرير الاديب عبد الغنى عبد الرحمن بسنورس

جواهر نظمك الصافي ضايت ع الفن وبسطع  
وأزجالك دى خوفاني ( يافكري ) در ويطلع  
رويت الكل من فنك وقلبك في الزجل ساحر  
داوحى بينكتب منك ويك الفن يتفاخر  
رفعت الفن للعالي يا عاجب الكل ( يافكري )  
ودرة فنك الغالي طروبه توهت . . فكري  
جواهر حلوه في كتابك بتشهد والله لبيانك  
تعيش ياسيدي لاحبابك يابلبل واحنا اغصانك



وجادت قريحة صديقي العزيز الأستاذ محمد عبد الحميد محرز بهذا التقرير والمنظوم

يا فكري - انا ما عرفش الكذب ( أديب ) رقيق لفظك جذاب  
يا فكري - إنت اما بتكتب تجذب عقول تغلب الباب  
( يا موسيقار ) فنك ( إطرب ) تكونش صوت ( عبد الوهاب )  
تطرب بالعود ؟ فنان ( فرى جود )  
زجال مشهور تشجى ( الجمهور )

### حلو الأسلوب

أنظم وهات قول - سمعنا أنت ف زمانك؟ ولا ( قزمان ) ( ١ )  
لك ( قافيه ) تسجد ( للمعنى ) ( تخلق ) كلام يحى ( الأوزان )  
وفى الفكاهه !! تبسطنا منها الحزين يصبح - فرحان  
أزجال حلوه ؟ لك فى ( الشكوى )  
تشبيه وكلام ياسلام ياسلام ؟!

### ببكي الطوب

كلام تمام . ولا فيش ( لاه ) ماهش عشان ( محرز ) قال لك  
دا الظرف . عندك - بالوقه ؟! والرقه والخفه ف ( زجلك )  
( يا فكري ) أما صحيح - حقه هوه انت عايز أشهدك ...  
( والزجالين ) كلك شاهدين ؟!  
لفظك يسحر فنك بأسر

### ( زجلك محبوب )



ابن قزمان أمير الزجل فى عصره وأول من فاه به

وجاءني هذا التقريظ البديع من ألدب احمد محمد نصير الزجال الرقيق

يا فكري رقتك تسحر ومين ينكر جمال فنك  
في ازجالك آيات تبهر ونور الفن بان منك  
يا مبدع مين يفوق عنك  
حقيقي انك ادب ماهر

رويت الكل من بحرك سكرنا بخمرة المعنى  
وبابن للجمع امرك ياساخر غنى سمعنا  
ومن الحانك اشبعنا  
برقة لفظك الطاهر

بنظملك زحت أحزاني وفين رايح القى امثالك  
وأيه رايح اقول تاني سحرني سحر ازجالك  
بتدهشنا بأقوالك  
وليه انكر دشى ظاهر

حلاوة نظملك العصري تحلى القافيه تسجد لك  
شجيت الشامي والمصري وكل الخلق تشهد لك  
ومين في الفن حايما دلك  
طربني فنك الباهر



وتفضل على بهذا التقريظ البديع الاديب فرج خميس

ياقمرى غرد سمعنا احسن بعاذك لوغنا  
صوتك رفيك يفيض معنى نبه عواطفى واحساسى

---

يافكرى مين ينكر فنك خلاف (عذول غاير)!! منك  
آدى الديوان يشهد انك فنان اديب زجال راسى

---

الفن كان مات ونسيته كسير وجيت انت حيته  
اسست فنك وبنيتيه خليت عذولك يياسى

---

لك قدره فى نظم الازجال ولك قلم ساحر سيال  
وفى الغزل كم لك اقوال ترقق القلب الاسى

---

لفظك من الذهب اللباغ وله رنين يطرب اسماع  
متانه فى رقه وابداع فى (فكرى) ديمامش ناسى





# تعليم فن الزجل

تأليف أمير الزجالين الاستاذ أبو بشينه

محمد عبد المنعم

يقع في ٢٠٠ صحيفه على ورق جيد الاشتراك فيه

عشر قروش ترسل باسم

أبو بشينه

المحرر بدار الهلال بوسنة قصر الدوباره مصر

والكتاب يسهل على المبتدئين تعليم فن الزجل وبه اكثر

من الف قافيه والف وزن فلا يفوتك

(هذا الكتاب النادر)



تم الكتاب بحمد الله تعالى ويليهِ الجزء الثاني عن

قريب







